

盡信者

大韻翻為精義非也其清氣散而後出以博學之類  
大曹翻為新之精義大夫心部起而為韻之而也云  
太平外城與天外對校蓋為韻林軒西詩中常卦  
右未嘗無為韻三韻各歸置而後歸道本和義而味  
皆陰韻父之書無其畧而存多良事古所廉潤新公  
衡公季年也出至太常也慨直請圖閣於加步與之  
與古烟潤奇集古雜目一卷古公裴宅妹擬六一餘  
不若所立非良碑

隸釋卷第二十三

隸釋卷第二十四

趙明誠金石錄上

會稽都尉路君闕名

南武陽功曹闕銘

王稚子闕銘

謁者景君表

景君碑陰

刻令景君闕銘

國三老袁君碑

西嶽石闕銘

北海相景君碑

景君碑陰

敦煌長史武班碑

武氏石闕銘

費亭侯曹騰碑

吳郡丞武開明碑

司隸楊厥開石門頌

祝長嚴訢碑

從事武梁碑

平都侯相將軍碑



孔子廟置卒史碑

東海相栢君海廟碑

孔君碣

韓明府孔子廟碑

吉成侯州輔碑

州輔碑陰

州輔墓石獸膊字

郎中鄭君碑

丹陽太守郭旻碑

議郎元賓碑

孫疇教碑陰

封丘令王元賞碑

王元賞碑陰

冀州刺史王純碑

王純碑陰

蒼頡廟人名

成臯令任伯嗣碑

任伯嗣碑陰

平輿令薛君碑

太山都尉孔宙碑

孔宙碑陰

西嶽華山廟碑

老子銘

荊州刺史度尚碑

車騎將軍馮緄碑

魯相晨謁孔子家文

廣漢縣令王君神道金鄉守長侯君碑

柳孝廉碑

衛尉卿衡方碑

沛相揚君碑

淳于長夏承碑

余自少小喜從當世學士大夫訪問前代金石刻詞

以廣異聞後得歐陽文忠公集古錄讀而賢之以為

是正譌謬有功於後學甚大惜其尚有漏落又無歲

月先後之次思歆廣而成書以傳學者於是益訪求



藏畜凡廿年而後粗備上自三代下訖隋唐五季內  
自京師達于四方遐邦絕域夷狄所傳倉史以來古  
文竒字大小二篆分隸行草之書鍾鼎籀籒尊敦虬  
鬲槃扞之銘詞人墨客詩歌賦頌碑志叙記之文章  
名卿賢士之功烈行治至於浮屠老子之說凡古物  
竒器豐碑巨刻所載與夫殘章斷畫磨滅而僅存者  
略無遺矣因次其先後為二千卷余之致力於斯可  
謂勤且久矣非特區區為玩好之具而已也蓋竊嘗  
以謂詩書以後君臣行事之迹悉載於史雖是非褒  
貶出於秉筆者私意或失其實然至其善惡大節有  
不可誣而又傳之既久理當依據若夫歲月地理官  
爵世次以金石刻攷之其抵牾十常三四蓋史謀出  
於後人之手不能無失而刻詞當時所立可信不疑  
則又攷其異同參以他書為金石錄世卷至於文辭  
之媿惡字畫之工拙覽者當自得之皆不復論嗚呼  
自三代以來聖賢遺迹著于金石者多矣蓋其風雨  
侵蝕與夫樵夫牧童毀傷淪棄之餘幸而存者止此  
爾是金石之固猶不足恃然則所謂二千卷者終歸  
於摩滅而余之是書有時而或傳也孔子曰飽食終  
日無所用心難矣劫不有傳奕者乎為之猶賢乎已



是書之成其賢於無所用心豈時博奕之比乎輒錄而傳諸後世好古博雅之士其必有補焉東武趙明誠序

會稽東部都尉路君闕銘

右路君闕銘二其一云會稽東部都尉路君闕永平八年四月十四日庚申造其一云君故豫州刺史溫令元城令公車司馬令開陽令謁者議郎徵試博士路君不知為何人按漢書志建武六年省諸郡都尉唯邊郡往往有之豈會稽邊海故置此官歟又任延嘗為會稽西部都尉而此云東部疑當時會稽分東

西部各置都尉史不載爾

南武陽功曹闕銘

右南武陽功曹墓闕銘云南武陽功曹鄉嗇夫又云以為國三老又云章和元年其它族系名字皆磨滅不可考究墓在今沂州有两闕其一銘元和中立文字尤殘闕難讀

王稚子闕銘

右王稚子闕銘二其一云漢故先靈侍御史河內縣令王君稚子闕其一云漢故兗州刺史洛陽令王君稚子之闕按范曄後漢書循吏傳王渙字稚子嘗為



温令而刻石為河內令者蓋史之誤渙以元興元年卒然則闕銘蓋和帝時所立也

謁者景君表

右謁者景君表其額題漢故謁者景君墓表而其文云惟元初元年五月丁卯故謁者任城景君卒其他文字磨滅時有可讀處皆斷續不復成文矣元初安帝時年號也此在漢時石刻中殘闕為甚特以安帝以前碑碣存者無幾不可棄也故錄之

景君碑陰

右謁者景君碑陰其前題云諸生服義者又云義士

北海劇張敏字公輔弟子濟北茌平竄尊凡十五人皆字好可讀云

郟令景君闕銘

右郟令景君闕銘云維元初四年三月丙戌郟令景君卒又云君存時恬然無欲樂道安貧信而好古非法不言治歐陽尚書傳祖父河南尹父步兵校尉業門徒上錄三千餘人又云三司聘請流化下邳又云司空太常博士竝舉高經君為其元假涂郟城姦邪洗心又云被病喪身歸于幽冥門人服義百有餘人按漢人為景君刻銘本欲傳于不朽而不著其族系



名字何哉

國三老袁君碑

右國三老袁君碑按元和姓纂云袁幹封貴鄉侯始居陳郡為著姓八代孫良生昌璋昌生安璋生滂為司徒唐書宰相世系表云袁生玄孫幹封貴鄉侯八世孫良二子昌璋昌成武令生安璋生滂以此碑及後漢書攷之姓纂與唐表殊為踈謬袁安列傳云安祖父良平帝時舉明經為太子舍人建武中至成武令今據此碑良以永建六年卒相距蓋百餘年以此知非一人無疑又安以永平四年薨良知卒乃在其

後三十九年以此知非安之祖亦無疑也蓋安汝南汝陽人滂乃陳郡扶樂人其鄉里族系亦自不同而安與滂相去歲月甚遠不得為從父兄弟明矣豈二人之祖其名偶同遂爾差謬邪又此碑與李利涉編古命氏皆云良幹五世孫而姓纂唐史皆以為八代孫碑云幹袁生之曾孫而唐史以為玄孫諸書皆云幹以討公孫勇功封貴鄉侯而碑獨作公先勇又云封關內侯食遺鄉六百戶者皆莫可考安列傳稱祖良為成武令而唐史謂昌為此官者疑唐史之誤也又酈道元水經注扶溝城北有袁梁碑云梁陳國扶



樂人事與碑合唯水經誤以良為梁爾袁氏自漢以來世為著姓安與滂皆一時顯人而諸書於其族系錯謬如此以此知典籍所載其失可勝道哉

### 西嶽石闕銘

右西嶽石闕銘云永和元年五月癸丑朔六日戊午弘農太守常山元氏張勳為西嶽華山作石闕高二丈二尺其後為顏語文詞頗恠又字多假借時有難曉處永和漢順帝晉穆帝姚泓皆有此號穆帝時華陰不屬晉以此碑字畫驗之恐非姚泓時蓋漢刻也又按晉書載記姚興與泓傳本朝宋莒公紀年通譜

皆云泓以義熙十二年即偽位改元永和獨帝紀作十一年未知孰是因考永和年號并記之

### 北海相景君碑

右北海相景君碑在濟州任城縣景氏在漢世為任城人今有三碑尚存余皆得之此碑最完

### 景君碑陰

右景君碑陰按後漢書百官志注河南尹官屬有循行一百三十人而晉書職官志州縣吏皆有循行今此碑陰載故吏都昌台丘暹而下十九人皆作修行他漢及晉碑數有之亦與此碑陰所書同豈循修字



畫相類遂致訛謬邪碑陰又有故午營陵是遷等六人名姓莫知其為何官又台丘不見于姓氏書惟見于此者兩人云

### 敦煌長史武班碑

右敦煌長史武班碑歐陽公集古錄云漢班碑者蓋其字畫殘滅不復成文其氏族官闕卒葬皆不可見其可見者君諱班爾今以余家所藏本考之文字雖漫滅然猶歷歷可辨其額題云漢故敦煌長史武君之碑知其姓武而官為敦煌長史也碑云君諱班字宣張昔殷王武丁克伐鬼方元功章炳勳藏王府官族析分因以為氏知其名字與氏族所出也又云永嘉元年卒知其卒之年月也

### 武氏石闕銘

右武氏石闕銘云建和元年太歲在丁亥三月庚戌朔四日癸丑孝子武始公弟綏宗景興開明使石上孟孝季弟邠造此闕直錢十五萬孫宗作師子直四萬開明子宣張自濟陰年二十五曹府君察舉孝廉除敦煌長史被病云歿苗秀不遂嗚呼哀哉士女痛傷武氏有數墓在任城開明者仕為吳郡府丞綏宗名梁仕為郡從事宣張名班皆自有碑



費亭侯曹騰碑

右費亭侯曹騰碑云惟建和元年七月二十一日己巳皇太后曰其遣費亭侯之國為漢輔藩而歐陽公集古錄乃言皇帝若曰其遣費亭侯之國誤也按後漢書建和元年相帝即位梁太后臨朝稱制蓋此碑所載遣騰之國詔書乃梁太后非相帝也東漢自安順已來閣豎尊寵用事往往封侯貴顯其後騰之孫操及其曾孫丕再世數十年憑籍勢力卒移漢祚而有之以此觀之閣豎用事之禍可勝言哉

司隸楊厥開石門頌

右司隸楊厥開石門頌余嘗讀范曄後漢書鄧騭傳有云時遭元二之災人士饑荒章懷太子注以謂元二即元二也古書字當再讀者即於上字下為小二字後人不曉遂讀為元二或同之陽九或附之百六良由不悟致斯乖舛今岐州石鼓銘凡重言者皆為二字明驗也其說甚辨學者信之今此碑有曰中遭元二西戎虐殘橋梁斷絕若讀為元二則為不成文理疑當時自有此語漢書注未必然也

吳郡丞武開明碑

右吳郡丞武開明碑云君字開明而其名已殘闕又



云永和二年舉孝廉除郎謁者漢安二年遷大長秋  
丞長樂太僕丞永嘉元年罷母去官復拜郎中除吳  
郡府丞壽五十七建和二年十一月十六日遭疾卒  
其可見者如此其他磨滅不能盡讀按後漢書志大  
長秋丞一人秩六百石本任宦者又長樂少府立長  
秋上及職吏皆宦者又有太僕二千石在少府上丞  
六百石據志所載中宮及長樂宮官屬皆以宦者為  
之而以史傳及漢魏石刻參考如大長秋少府之類  
皆雜用士人今武君以孝廉為郎謁者郎中吳郡府  
丞皆非宦者之職然則兩宮官屬蓋亦雜用士人也

祝長嚴訢碑

右祝長嚴訢碑政和中下邳縣民耕地得之碑云惟  
漢中興卯金休烈和平元年歲治東宮星屬角房月  
建朱鳥中呂之均萬物慈射華澤青葱歧行蠕動咸  
守厥常人物同授獨遭灾霜顛賓徂落壽不寬弘經  
設三命君獲其央年六十九又云伊歎嚴君諱訢字  
少通飛自楚莊祖考相承招命道術治嚴氏春秋馮  
君章句又曰幼為郡掾史會稽諸暨尉烏程毗陵餘  
暨章安山陰長以病去官後為丹陽陵陽丞守春穀  
長舉廉遷東牟侯相下邳祝長典牧十城所在若神



其後有銘銘為五言頗殘闕難讀云

從事武梁碑

右從事武梁碑云故從事武掾諱梁字綏宗掾體德忠孝岐嶷有其治韓詩闕憤傳講兼通河雒諸子傳記又云州郡請召辭疾不就安衡門之陋樂朝聞之義又云年七十四元嘉元年季夏三日遭疾隕霧其後有銘云懿德玄通幽呂明兮隱居靖處休曜章兮樂道忽榮垂蘭芳兮身沒名存傳無疆兮其他刻畫皆字可讀文多不盡錄碑在濟之任城余崇尊初嘗得此碑愛其字好後十餘年再得此本則闕其最後

四字矣

平都侯相蔣君碑

右平都侯相蔣君碑文字殘滅其名字官闕皆不可考惟其額題漢故平都侯相蔣君之碑而碑云年六十有五元嘉二年三月甲午卒爾有劉季孫景文者知名士與余先公有舊家藏金石刻千餘卷既歿其子不能保為一武人得之其後余故人王儻定觀復得數百卷其中漢碑數本余所未有者悉以見贈此其一也

孔子廟置卒史碑



右孔子廟置卒史碑其前有司徒吳雄司空趙戒奏  
章歐陽文忠公具載于集古錄其後又有魯相奏記  
司徒司空府文字尤為完好云永興元年六月甲辰  
朔十八日辛酉魯相平行長史事卞守長擅叩頭死  
罪敢言之司徒司空府壬寅詔書為孔子廟置百石  
卒史一人掌主禮器選年四十以上通經一藝雜試  
能奉弘先聖之禮為宗所歸者平叩頭叩頭死罪死  
罪謹按文書守文學掾魯孔鮒師孔憲戶曹史孔覽  
等雜試鮒修春秋嚴氏經通高第事親至孝能奉先  
罔之禮為宗所歸除鮒補名狀如牒平惶恐叩頭死  
罪上司空府其詞彬彬可嘉故備錄之且以見漢時  
郡國奏記公府其體如此也按華陽國志後漢書注  
皆云趙戒字志伯而此碑乃作意伯疑其避相帝諱  
故改為

### 東海相相君海廟碑

右東海相相君海廟碑云惟永壽元年春正月有漢  
東海相相君又云熹平元年夏四月東海相山陽滿  
君其餘文字字字者尚多大畧記修飾祠宇事而其銘  
詩有云浩浩滄海百川之宗知其為海廟碑也相君  
與滿君皆不著其名莫知為何人碑在今海州



孔君碣

右孔君碣在孔子墓林中其額題孔君之墓文已殘闕其前云元年乙未而元年上闕二字按東漢自建武以後惟相帝永壽元年歲次乙未其他有三乙未皆非元年然則此碣所闕二字當為永壽也

韓明府孔子廟碑

右韓明府孔子廟碑其略云君造立禮器樂之音符鍾磬瑟鼓雷洗觴觚爵鹿相桓邊杖禁喜修飭宅廟更造二輿所謂鹿者禮圖不載莫知為何器又據字書杖木皮可為索喜陳樂也亦非器名皆不可曉故

并著其語以俟知者

余後見汝陽陳氏所藏古彝為伏鹿之形近歲青州獲一器亦

全為鹿形疑所謂鹿者因其形而名之爾

吉成侯州輔碑

右吉成侯州輔碑名字已殘闕其額題云漢故中常侍長樂太僕吉成侯州君之銘輔名姓見范曄後漢書宦者傳以定策立相帝與曹騰等七人同時封為亭侯今此碑載當時詔書有云其封輔為葉吉成侯以此知其名輔而鄰道元注水經云滎水南有漢中常侍長樂太僕吉成侯州苞冢冢前有碑其詞云六帝四后是諮是諏今驗其銘文實有此語獨以輔為



苞蓋水經之誤當取漢史及此碑為正

州輔碑陰

右州輔碑陰京兆尹延篤叔堅而下題名者凡四十餘人自東漢以後一時名卿賢大夫死而立碑則門生故吏往往寓名其陰蓋欲附託以傳不朽爾今輔一宦者而碑陰列名者數十人雖當代顯人如延叔堅亦預焉有以見權勢之盛如此雖然區區掛名于此者亦可耻也夫

州輔墓石獸膊字

右州輔墓石獸膊字鄒道元注水經云州君墓有兩

石獸已淪没人有掘出一獸猶不全破甚高壯頭去地丈許制作甚工左傳上刻作辟邪字余初得州君墓碑又覽水經所載意此字猶存會故人董之明守官如穎間因託訪求之踰年持以見寄其一辟邪道元所見也其一乃天祿字差大皆字好可喜之明又云天祿近歲為村民所毀辟邪雖存然字畫已殘闕難辨此蓋十年前邑人所藏今不可復得矣

郎中鄭君碑

右郎中鄭君碑賈誼遇秦論云九國之師遁巡而不敢進顏師古曰遁音干旬及流俗書本巡字誤作逃



讀者因之而為遁逃之義潘岳西征賦云遁逃以奔  
竄斯亦誤矣今此碑有云推賢達善迨退讓詳其  
文意亦是逡巡之義然二字決非一音蓋古人用字  
與後世頗異又多假借故時有難曉處不知顏氏何  
所據遂音遁為迨乎

丹陽太守郭旻碑

右丹陽太守郭旻碑云君諱旻字巨公有周之裔也  
又云治律小杜幼仕州郡察孝廉除郎中謁者遷敬  
陵園令廷尉左平治書侍御史獄刑無頗憲臺如砥  
以父憂去官還拜郎中侍御史遭母憂服除復拜郎

中治書侍御史遷冀州刺史徵拜尚書是時淮夷蠢  
連帝疇官綏策書褒厲俾守丹陽為政四年以公事  
去官年過耳順寢疾殞類延熹元年十月戊戌卒其  
十二月丙申葬微言絕矣諸子曷仰三載禮闋廼群  
相與刻石勒銘最後云昔君即世雖立碑頌裁足載  
字加有瑕下字缺君之弟故太尉薨歸葬舊陵於是從  
子故五原太守鴻議郎朶及胤孫某其名殘缺懷祖之德  
乃更刻石不改舊文蓋用昭明祖勲焉郭氏為陽翟  
著姓自躬以來世以通法律顯名此碑所謂太尉公  
者禧也



議郎元賓碑

右議郎元賓碑者在今亳州姓名已殘闕所可見者云字元賓魯相之孫又云舉孝廉除倉龍司馬衛尉察尤異遷吳令視事一稔民用康寧州辟從事公車徵拜議郎年四十八延熹二年二月卒使者臨弔賻贈特加其餘文字字好者尚多惜其名氏皆止也

孫叔敖碑陰

右孫叔敖碑陰云延熹三年中夏之節政在封表期思長光視事一紀訪問國中耆年素聞孫君楚時良輔又云博采遺苗曾玄孫子考龜吉辰五月癸卯宜

以存廢可立碑祀招請諸孫都會國右郭西道北處所顯好興上宰祭倡優鼓舞又云相君有三嗣長子即封食邑固始少子在江陵中子居三下一字又云相君卒後十有餘世有渤海太守其後歷叙子孫名字甚詳而文字斷續不可次第按期思長光碑陰不載姓氏叔敖碑雖有之然已殘闕矣漢時令長有在官一紀不遷者乃知前世官吏重於移易如此不惟吏民免送迎之擾而士人亦皆安於其職無僥倖苟進之心與後世異矣

封丘令王元賞碑



右封丘令王君碑其姓名已殘闕所可見者字元賞而已云察舉孝廉即謁者考工苑陵葉封丘令而銘文亦有撫臨三國之語歐陽公集古錄云為苑陵丞者蓋誤以葉字為丞爾

王元賞碑陰

右王元賞碑載門生姓名有六右奔卷右斬杖三年余嘗謂聖人之制禮為可繼也無過與不及之弊務合於中庸而已禮曰事師無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服卷子路亦然請喪夫子若喪父而無服彼漢人為王君乃為斬衰之服於禮無乃過乎

冀州刺史王純碑

右冀州刺史王純碑延熹四年立桑欽水經云濟水迳須句城西鄴道元注濟水西有安民山山西有漢冀州刺史王紛碑漢中平四年立按地理書須胸即今中都縣此碑在中都又其官與姓氏皆合疑其是也然以純為紛以延熹為中平則疑水經之誤

王純碑陰

右王純碑陰其前題門人姓名自東平馮定伯而下文字完好可識者九十餘人磨滅不可識者又九十



餘人字畫淳勁可喜其後題義士名云各發聖心共  
出義錢埋碑石直刊紀姓名埋當讀為裨助之裨漢  
時墓碑多其門生故吏所立往往各紀姓名于碑陰  
或載所出錢數其非門生故吏而出錢者謂之義士  
今漢人為王君出錢造碑而云各發聖心可謂陋矣

蒼頡廟人名

右蒼頡廟人名歐陽公集古錄云此碑有蓮勺左鄉  
有秩池陽左鄉有秩池陽集水有秩皆不知是何名  
號又有夏陽侯長祿裨侯長則是縣吏之名其隸字  
不甚精又無事實可考姑疑其名號以俟知者爾按

前漢書張敞以鄉有秩補太守卒史後漢書百官志  
鄉置有秩三老游徼本注曰有秩郡所署秩百石掌  
鄉人注引漢官儀曰鄉戶五千則置有秩風俗通曰  
秩則田間大夫言其官裁有秩爾然則有秩蓋亦鄉  
吏名也

成臯令任伯嗣碑

右成臯令任伯嗣碑其首已殘闕其可見者云字伯  
嗣南郡編人也其先蓋任座之苗胄又云舉孝廉除  
郎中蜀郡府丞江州令以服去官為筑陽侯相延熹  
五年遷來臨縣其後歷叙政績又云遷君桂陽最後



云都邑謠詠甄勒勛績永昭于後碑在今記縣水記  
水在漢為成臯此碑蓋成臯令德政頌爾後漢書相  
帝紀延熹八年有桂陽太守任胤以此碑校之歲月  
相符又名與字協知其名胤也

任伯嗣碑陰

右任伯嗣碑陰大觀初獲此碑寘于記水輦運司廨  
舍壁間余聞其陰有字因託人諷邑官破壁出之遂  
得此本蓋漢碑有陰者十七八世多棄而不錄爾

平輿令薛君碑

右平輿令薛君碑文字完好云惟延熹六年春二月

平輿令薛君卒烏虜哀哉史氏其咨咨君之德廼建  
此碑后于墓之側其後有銘三百餘言叙述甚詳惟  
不載其名字世系故莫得而考焉

泰山都尉孔宙碑

右泰山都尉孔宙碑孔北海父也見後漢書融列傳  
又據相帝紀太山都尉元壽元年置延熹八年罷宙  
以延熹四年卒蓋卒後四年官遂廢矣

孔宙碑陰

右孔宙碑陰門生有鉅鹿廣宗捕廵字升臺按氏族  
書如姓苑姓纂皆無捕姓獨見于此碑爾



西嶽華山廟碑

右西嶽華山廟碑其略云孝武皇帝脩封禪之禮巡省五嶽立宮其下宮曰集靈宮殿曰存仙殿門曰望仙門歐陽公集古錄云所謂集靈者他書不見見於此碑爾余按班固漢書地理志華陰有集靈宮武帝起而酈道元注水經亦云敷水北逕集靈宮引地理志所載其語皆同然則不獨見於此碑矣而所謂存僊殿望僊門者諸書不載而此碑

老子銘舊傳蔡邕文并書社蓋甫李潮小篆八分

歌有曰苦縣光和尚骨立書貴瘦硬方通神世云此碑是也今驗其詞乃邊韶延熹八年作非光和中所立未知甫所見是此碑否而本朝周鉞書苑遂以為韶撰文而邕書初無所據碑言孔子學禮時計其年紀聃以二百餘歲聃然老旄之貌也而史記言謚曰聃按古謚法無聃字又碑云孔子以周靈王三十年生今以年表及世家考之孔子以魯襄公二十二年生實靈王二十二年未知孰是史書周太史儋事云孔子死後二百二十九年徐廣注曰實一十九年今此碑所書正與史合不知徐廣何所據也



荆州刺史度尚碑

右度尚碑其首題曰漢故荊州刺史度侯之碑碑云其光出自顓頊與楚同姓熊下字缺之後又曰統國法度其下殘闕不可辨按元和姓纂度姓但云古掌度之官因以命氏不言其與楚同姓也又范曄後漢書列傳度尚自右校令擢為荊州刺史破長沙零陵賊以功封右鄉侯遷桂陽太守徵還京師以中郎將破賊胡蘭等復為荊州刺史後為遼東太守卒於官今以碑考之云封右鄉侯遷遼東太守拜中郎將復拜荊州刺史以故秩居蓋尚未嘗為桂陽太守而曰卒

於遼東者皆史之誤余每得前代名臣碑板以校史傳其官闕歲月少有同者以此知石刻為可寶也

車騎將軍馮緄碑

右車騎將軍馮緄碑以范曄後漢書考之史云字鴻卿而碑云皇卿史云初舉孝廉七遷至廣漢屬國都尉拜御史中丞順帝末持節揚州諸軍事與中郎將滕撫擊破群賊今據碑自舉孝廉至為廣漢屬國都尉凡十一遷而為中丞與督使徐揚二州討賊皆在為都尉前碑云討賊時坐迫州縣正法而史不載又云為隴西太守坐問吏辜旬不分去官以羗駭動為



四府所表復家拜隴西太守而史但言遷隴西太守  
耳史云為遼東太守徵拜京兆尹轉司隸校尉遷亭  
尉太常拜車騎將軍以碑考之緄為遼東太守以前  
嘗復為治書侍御史遷尚書遂為廷尉未嘗拜京兆  
尹及司隸也史云振旅還京師監軍使者張敞承宦  
者旨奏緄會長沙賊復起攻桂陽武陵緄以軍還盜  
賊復發策免而碑云臨當受封以謠言奏河內太守  
中常侍左館弟坐遜位史云復拜廷尉時山陽太守  
單遷以罪擊獄緄考致其死遷故車騎將軍超之弟  
中官相黨遂共誹章誣緄坐輸左校而碑云表荊州

刺史李隗南陽太守成晉

晉漢史作譜

太原太守劉瑱不

宜以重論坐正法作左校亦皆不合史又云為河南  
尹時上言舊典中官子弟不得為牧人職帝不納拜  
屯騎校尉復為廷尉卒於官而碑云復拜廷尉奏中官  
子弟不宜典牧州郡獲過左右遜位永康元年薨亦  
當以碑為正碑又云緄謚為相而史亦不載余嘗謂  
石刻當時所書其名字官爵不應差誤可信無疑至  
於善惡大節則當以史氏為據今此傳首尾顛倒錯  
謬如此然則史之所載是非褒貶失其實者多矣果

可盡信耶



魯相晨謁孔子冢文

右魯相晨謁孔子冢文已断裂闕其上一段其略可見者云建寧元年三月十八日丙申晨又云其四月十一日戊子到官謁孔子冢其他文字雖完皆不可次第魯相晨又兩碑皆在孔子廟中其一碑云臣蒙恩受任符守得在奎婁周孔舊寓又云臣以建寧元年到官其一碑云魯相河南史君諱晨字伯時從越騎校尉拜以建寧元年四月十一日戊子到官然則斯碑所載名晨者蓋魯相史晨也

廣漢縣令王君神道

右廣漢縣令王君神道建寧元年十月造縣令字作苓漢人淳質文字相近者多假借用之如縣令字人所常用而尚假借何耶

金鄉守長侯君碑

右金鄉守長侯君碑載其上世云漢興侯公納策濟太上皇於鴻溝之阨謚曰安國君曾孫輔封明統侯光武中興玄孫霸為臨淮太守擁兵從光武平定天下轉拜執法刺姦五威司命大司徒公封於陵侯歐陽公集古錄云執法左右刺姦五威司命皆王莽時官侯霸列傳云霸莽時為隨令遷執法刺姦而未嘗



為五威司命後代伏湛為大司徒封關內侯既薨光武下詔追封則鄉侯而此碑言封於陵侯未知孰是據碑言刺姦司命為光武時官蓋碑之謬余按霸列傳霸薨追封則鄉侯至子昱改封於陵而遂以霸為於陵侯疑亦碑之誤又按高祖紀侯公說項羽歸太公呂后乃封侯公為平國君今此碑言安國既不同而平國君乃生時稱號如婁敬為奉春君之類碑以為謚恐亦非是又酺封明統侯漢書功臣表亦不載不知碑何所據也

古黃熱線柳孝廉碑前數卷平十良並線今字於

右柳孝廉碑云君諱敏其先蓋五行星下闕二十八字舍柳宿之精也其說亦可謂恠矣自戰國以來聖人不作諸子百家異端恠說紛然而起其弊至東漢而極焉自非豪傑之士卓然不為流俗所移未有不從而惑者也若此碑直以柳君得姓出于柳宿果何所據哉

衛尉卿衡方碑

右衛尉卿衡方碑有云感昔人之凱風悼蓼儀之劬勞以蓼莪為蓼儀也漢碑如多此蓋漢人各以其學名家故所傳時有異同也



右沛相揚君碑

右沛相揚君碑歐陽公集古錄云碑首尾不完失其名字余按揚震碑相沛名統震長子富波侯相牧之子也

淳于長夏承碑

右淳于長夏承碑云君諱承字仲充東萊府君之孫太尉據之中子右中郎將弟也累葉牧守印紱典據十有餘人皆德任其位名豐其爵是故寵祿傳于歷世策勲者于王世君鍾其美受性淵懿含和履仁治詩尚書兼覽群藝靡不尋暢州郡史請屈已任君為

主簿督郵五官掾功曹上計掾守令冀州從事又云察孝不行太傅胡公歆其德美旌招俯就羔羊在公四府歸高除淳于長又云年五十有六建寧三年六月癸巳淹疾卒官碑今在洛州元祐間因治河隄得于土壤中遠寧靈帝時年號也距今千歲矣而刻畫完好如新余家所藏漢碑二百餘卷獨此碑最完



隸釋卷第二十五

趙氏金石錄中

郎中馬君碑

武都太守李翕碑

博陵太守孔彪碑

成陽靈臺碑

廷尉仲定碑

故民吳公碑

司隸校尉魯峻碑

桂陽太守周府君頌

周府君碑陰

石經遺字

堂谿典嵩高山石闕銘

帝堯碑

蒼頡廟碑

庠彰長斷碑

梁相費汎碑

堂邑令費君碑

費君碑陰





太尉陳球碑

太尉郭禧碑

郭禧後碑

禹廟碑

逢童碑

散阮君神祠碑

無極山碑

藁長蔡港頌

安平相孫根碑

碭孔君神祠碑

華嶽碑

郭禧碑陰

樊毅西嶽碑

冀州從事郭君碑

逢童碑陰

散阮君神祠碑陰

揚州刺史敬使君碑

蔡港碑陰

涼州刺史魏君碑

成陽令唐君頌

唐君碑陰

幽州刺史朱龜碑

都鄉正街彈碑

劉寬碑陰

趙相劉衡碑

陳仲弓碑

郎中馬君碑

右郎中馬君碑文字殘缺所可見者字元海而已又

云其先賜號馬服因遂氏焉又云以和平元年舉孝

廉除郎中謙虛接下冠名三署又云年卅元嘉三年



正月卒又云夫人年五十五建寧三年十二月卒其  
它不可考究矣

武都太守李翕碑

漢時文字多與今隸書不合皆依石本錄之

右武都太守李翕碑文字首尾字好云漢武都太守  
漢陽阿陽李君諱翕字伯都其後歷叙在郡治蹟云  
郡西狹中道危難阻峻緣崖俾閣兩山壁立隆崇造  
雲下有不測之谿阨窄促迫財容車騎進不能濟息  
不得注數有顛覆隕墜之害君勅衡官有秩李瑾掾  
仇審因常繇道徒鑿燒破折刻自崔嵬減高就埤神  
致土石堅固廣大可以夜涉四方無雍行人懽悃民

歌旋惠穆如清風乃刊斯石其後有頌詩最後題建  
寧四年六月十三日壬寅造云

博陵太守孔彪碑

右博陵太守孔彪碑歐陽公集古錄云孔君碑者其

名字磨滅不可見而世次官闕粗可考云孔子十九

代孫穎川君之元子也舉孝廉除郎中博昌長拜尚

書侍郎治書侍御史博陵太守遷下邳相河東太守

建寧四年十月卒其終始畧可見惟其名字皆止為

可惜也今此碑雖殘缺而名字尚完可識云君諱彪

字元上又韓府君孔子廟碑陰載當時出錢人名亦



有尚書侍郎孔彪元上與此書正同惟孔君自博陵再遷為河東太守而碑額題故博陵太守孔府君碑漢人多如此然莫曉其何謂也

成陽靈臺碑

右成陽靈臺碑成陽屬今雷澤碑略云堯母慶都僊歿蓋葬于茲歆人不知名曰靈臺歐陽集古錄以謂自史記地志及水經諸書皆無堯母葬處余按班固西漢劉昭東漢書地理志皆曰成陽有堯冢靈臺而東漢志章帝元和二年東巡狩將至泰山道使使者奉一太牢祠帝堯於濟陰成陽靈臺與章帝紀所載

正同帝紀章懷太子注引郭緣生述征記云成陽縣東南有堯母慶都墓上有祠廟堯母陵俗有名靈臺文母水經注今成陽城西二里有堯陵陵南一里有堯母慶都陵於城為西南稱曰靈臺蓋兩漢史所載似以靈臺為堯冢惟此碑與述征記水經迺直指為堯母冢爾然水經云在城陽西南而述征云在東南未知孰是又集古錄云諸書俗本多作城陽獨此碑為成陽當以碑為正余嘗考之成陽縣名屬濟陰郡城陽乃王國名漢文帝二年以封齊悼惠王子章者漢志所載各異未嘗差誤也碑有廷尉其歐陽公以



為姓名摩滅不可讀今驗其缺處姓下隱隱有定字  
知其名定而其後云濟陰太守審是成陽令管遵各  
遣大掾輔助仲君知其姓仲氏世為成陽令定有  
墓在雷澤碑尚存其額題漢故廷尉仲君碑有云表  
祠唐堯為漢祈福又云為廷尉卿託病乞歸脩堯靈  
臺黃屋世餘上聽拜太中大夫云

余為淄州同官李  
堯雷澤人云家正

在城西南蓋  
述征記誤也

### 廷尉仲定碑

右廷尉仲定碑在今濮州雷澤其額題漢故廷尉仲  
君之碑碑載官閥甚詳雖殘缺然尚可次第其略云

君諱定聖漢龍興家于成陽父張掖廣漢太守以父  
勲拜琅琊太守尚陽陰府君察孝不行南郡胡公除  
濟陰復舉孝廉拜尚書左丞除郎中遷彭城呂長徵  
試博士太傅下邳趙公舉君高行遷豫州刺史將軍  
從事符節令豫章太守徵議郎拜大尚書遜位復徵  
拜將軍長史遷城門校尉執金吾拜大中大夫遷廷  
尉卿託病乞歸脩堯靈臺黃屋世餘上聽拜太中大  
夫臺成事訖上以君先帝舊臣策請令州郡以禮持  
遣熹平元年孟秋上旬君遘疾不瘳於是門生養徒  
故吏鄉黨刊石勒銘樹碑表道焉兩漢遷拜次第史



既不能詳載而石刻類皆摩滅難考今此碑所載詳悉故盡著之所謂南郡胡公者廣也太傅下邳趙公者峻也按定漢史無傳惟風俗通元和姓纂具載姓名官封云

### 故民吳公碑

右吳公碑其額題漢故民吳公之碑碑云嘉平元年十二月上旬吳公仲山其他刻畫完好如新文詞頗拙陋書亦恠而不工然漢時石刻存者漸少而此碑特完故錄之以資博覽

### 司隸校尉魯峻碑

右司隸校尉魯峻碑云君諱峻字仲嚴鄴道元注水經引載延之西征記曰焦氏山北金鄉山有漢司隸校尉魯恭冢冢前有石祠四壁皆青石隱起自書契以來忠臣孝子貞婦孔子及七十二弟子形像像邊皆刻石記之今墓與石室尚存惟此碑為人輦直任城縣學矣余嘗得石室所刻畫像與延之所記合又其他地里如書方輿志寰宇記之類皆非峻惟水經誤轉寫為恭爾

### 桂陽太守周府君頌

右桂陽太守周府君頌歐陽公集古錄云府君字君



光而名已訛缺不可辨圖經但云周使君而亦不著  
其名後漢書又無傳遂不知為何人而曾子固言嘗  
得此碑於知韶州王之才之才以書來言曲江縣圖  
經周府君名昕字君光則永叔云圖經不載其名者  
蓋考之未詳也本此本雖訛缺然究其點畫殊不類  
昕字二公所說既不同而韶州圖經余家偶無有皆  
未可知也

余後見市中印本歐陽公廬陵集別  
有一跋尾云周君名憬憬字頗近之

### 周府君碑陰

右周府君碑陰題名凡一人姓氏具存按鄴道元  
注水經瀧水南逕曲江縣東縣昔號曲紅曲紅山名

也而東西兩漢史皆作曲江今據此碑自縣長區社  
而下凡十七人皆書為曲紅則是當時縣名曲紅無  
可疑者不知兩漢史皆作曲江何也

### 石經遺字

右石經遺字者藏洛陽及長安人家蓋靈帝熹平四  
年所立其字則蔡邕小字八分書也其後婁經遷徙  
故散落不存今所有者總數千字皆土壤埋沒之餘  
摩滅而僅存者爾按後漢書儒林傳叙云為古文篆  
隸三體者非也蓋邕所書乃八分而三體石經乃魏  
時所建也又按靈帝紀言詔諸儒正五經文字刻石



立于大學門外蔡邕傳乃云奏求正定六經文字既已不同而章懷太子注引洛陽記所載有尚書周易公羊傳論語禮記今余所藏遺字有尚書公羊傳論語又有詩儀禮然則當時所立又不止六經矣洛陽記又云禮記碑上有諫議大夫馬日磾議郎蔡邕等名今論語公羊後亦有堂谿典馬日磾等姓名尚在據邕傳稱邕以經籍去聖久遠文字多謬俗儒穿鑿疑誤後學乃奏求正定自書于碑於是後儒晚學咸取正焉今石本既已摩滅而歲久轉寫日就訛舛以世所傳經書本校此遺字其不同者已數百言又篇第亦時有小異使字本具存則其異同可勝數邪然則豈不可惜也哉而後世學者於去古數千百歲之後書絀前代諸儒之論欲以己之私意悉通其說難矣余既錄為三卷又取其文字不同者具列于卷末云

堂谿典嵩高山石闕銘

右堂谿典嵩高山石闕銘云中郎將堂谿典伯并熹平四年來請雨嵩高廟按後漢書靈帝紀熹平五年復崇高山名為嵩高山章懷太子注引前漢書武帝祀中嶽改嵩高為崇高東觀記曰使中郎將唐谿典



請雨因上言改之復為嵩高今此文乃熹平四年可  
以正漢史之誤又蔡邕傳注引先賢行狀云與字子  
度而延篤傳注又作季度今此碑乃云字伯并亦當  
以碑為正

### 帝堯碑

右帝堯碑云帝堯者昔世之聖王也共先出自塊隗  
翼火之精有神龍首出于常羊又云名紀見乎河維  
爰嗣八九度都與赤龍交而生伊堯又云侯伯遊於  
玄河之上龍龜負銜授鈴受與然後堯乃受命其說  
出於讖緯可謂恠妄不經矣堯之所以為聖者豈假

此而已哉

### 蒼頡廟碑

右蒼頡廟碑文字殘缺其畧可辨者有云蒼頡天生  
德於大聖四目靈光為百王作憲而其名曰穆穆聖  
蒼知為蒼頡碑也考其歲月蓋熹平六年立

### 庠彰長斷碑

右庠彰長斷碑在華陰已断裂惟存下一段故其姓  
名皆亡矣所可見者有云先高祖時以吏二千石自  
齊臨菑徒充關中祖字興先為執金吾弟風漁陽太  
守又云元初元年遭家不造三歲喪父事母有柴穎



之行初仕為縣主簿功曹郡諸曹史帳下司馬劉君  
招命署議曹掾假除百石遷補任尉假印綬守廣平  
夏曲陽令庠彰長熹平二年秋七月寢疾不豫歿後  
題熹平六年十月九日辛酉造按史記及漢書本紀  
高祖九年徙齊楚大族昭屈景懷田五姓閩中而其  
四姓皆楚人自齊徙者惟田氏爾然則此碑所謂高  
祖時自齊臨菑徙者其人必姓田氏也按第五氏亦  
中然本亦出于田氏也庠彰東西漢史皆作庠章

### 梁相費汎碑

右費汎碑在湖州其額題漢故梁相費君之碑碑云

梁相諱汎字仲慮此邦之人也其先季文為魯大夫  
有功封費因以為姓秦項兵起避地于此遂留家焉  
余家所收姓氏文字粗備以諸書參考頗多抵牾不  
合姓苑云費氏禹後漢有長房蜀志有丞相禘又云  
今琅邪亦有此姓音父位及李利涉編古命氏云費  
氏出自魯相公少子季友有勲於社稷賜汶陽之田  
封邑于費子孫氏焉漢有費將軍其後有費忠費柔  
適蜀為寧蜀人忠之孫徙於荊州後遷江夏忠十代  
孫奕奕孫禘又加于蜀晉平蜀禘之子承復歸江夏  
林寶元和姓纂云費氏亦音秘史記紂幸臣費中夏



禹之後楚有無極漢有直蜀有禘晉有詩又云琅邪費氏直之後也陳相姓林云費氏音蜚夏禹之後余嘗考之此字有兩姓音讀不同源流亦異其一音蜚嬴姓出於伯翳史記所載費昌費中楚費無極漢費將軍費直費長房蜀費禘之徒是其後也其一音秘姬姓出於魯季友姓死所載琅邪費氏而此碑所謂梁相費君是其後也然則姓死姓纂姓林皆云夏禹之後姓纂又云亦音祕及謂琅邪費氏為直之後皆其差誤而編古命氏以費將軍費禘之徒出千魯季友亦非也余又按春秋僖公賜季友汶陽之田及費而左傳亦以謂季友有功於魯受費以為上卿今以季文有功封費者蓋碑之誤

堂邑令費君碑

右堂邑令費君碑云惟熹平六年無射之月堂邑令費君寢疾卒嗚呼哀哉於是夫人元弟卜胤追而誅之其後有銘詩碑所述費君事不甚詳悉而其名字世次官秩具不載于碑陰今附於後

費君碑陰

右費君碑陰云君諱鳳字伯蕭梁相之元子九守之長兄也世德襲爵銀艾相亞又云君踐郡右職



三貢獻計漢安二年吳郡太守東海郭君以君有委蛇之節自公之操年世一舉孝廉拜郎中除陳國新平長遂宰堂邑其後為五字韻語詞頗古雅而時時殘缺不可次叙其前題君甥家中孫甘陵石勳字子才所述云

### 太尉陳球碑

右太尉陳球碑球有兩碑皆在下邳其一已殘缺此碑差字可考前代碑碣與史傳多抵牾而球碑所載官闕事跡與傳合東漢之末政在閹寺威福下移其勢蓋可畏也而一時衆君子猶奮不顧身力排其姦雖遭屠戮而不悔志雖不就然亦可謂壯哉如球是已使當時士大夫能屈己以事之則富貴可長保矣然君子固未肯以彼而易此也

### 華嶽碑

右華嶽碑集古錄云碑以周禮職方氏為識方氏者疑當時周禮之學自如此蓋識誌其義通也余按袁逢華嶽碑亦引職方氏乃用職字蓋漢人簡質字相近者輒假借用之初無意義爾

### 太尉郭禧碑

右太尉郭禧文字殘缺所存總百許字其可見者公



諱禧字君房而已禧郭躬從孫也其事迹附見躬列傳云少明習家業兼好儒學有名譽延熹中為廷尉建寧二年代劉寵為太尉而靈帝紀亦云是年十一月禧為太尉章懷太子注云字公房扶溝人也郭氏世為陽翟人自躬以下皆葬陽翟其墓尚存今此碑缺處猶有陳留扶溝字疑禧嘗寓居是邑其卒也迺葬故郡而漢書注遂以為扶溝人恐誤

### 郭禧碑陰

右郭禧碑陰其首有四大字云故吏人名其下列故史密張立度成匡師張協子通雒陽李蒼子考故民河南陰德紀信以下凡百餘人又有右河南右河內郡右弘農郡右扶風字字畫字好者甚多筆法淳古可愛

### 郭禧後碑

右郭禧後碑殘缺尤甚其略可辨者云惟光和二年夏五月甲寅太中大夫故太尉郭公薨又云公之胤子故五原太守餘不復成文而其額題漢故太尉郭公神道字畫尚存云後漢書列傳既不載禧所終而靈帝紀但云建寧三年夏四月太尉郭禧罷亦不言其為何官今以碑考之乃知其罷為太中大夫而卒



於光和二也五原太守名鴻後為司隸校尉封成安鄉侯

### 樊毅西嶽碑

右樊毅西嶽廟碑云弘農太守河南樊君諱毅歐陽文忠公集古錄云據此碑乃即時所立而太守生稱諱者何也按春秋左傳周人以諱事神名終將諱之而禮率哭乃諱鄭氏以謂敬鬼神之名也諱避也生者不相避名衛侯名惡大夫有石惡君臣同名春秋不非又漢宣帝元康二年詔曰聞古天子之名難知而易諱也今上書觸諱以犯罪者朕甚憐之其更諱

詢諸觸諱在令前者赦之蓋卒哭而諱其名實始終周而生死皆稱諱西漢已如此矣然則生日名死日諱又出於近世也有以見後世心諱愈密如此然而稱諱見于石刻者甚衆不獨此碑也

### 禹廟碑

右禹廟碑云光和二一年十二月丙子朔十九日甲子皮氏長南陽章陵劉尋孝嗣丞安定烏氏樊璋元孫其後叙禹平水土之功而最後有銘文多殘缺不能盡識碑在龍門禹廟

### 冀州從事郭君碑



右郭君碑名字已殘缺其額題曰冀州從事郭君之  
碑碑云其先出高辛興自于周字一番虞郭在河魏  
之間遭晉荒疆乃喪厥土亦世孳孳職思其勲子孫  
纓布家于樂土因國為氏又云歷郡諸曹據史主簿  
督郵五官掾功曹又云光和二一年終三年十月葬又  
云哀哀考妣追惟實靈卜商號咷喪子失明據此乃  
父母生而稱考妣也爾雅云父為考母為妣郭璞注  
引禮記生日父母妻終曰考妣嬪今世學者從之而  
璞援據諸書以為非生死之異稱猶今謂兄為弟妹  
為媚爾今此碑漢人所為已不用戴氏之說以此知  
璞為有據然禮經行于世久既有此論事親者所當  
避也

### 逢童碑

右逢童碑刻畫完好云童子諱盛字伯彌簿令之玄  
孫遂成君之曾孫安平君之孫五官掾之長子也又  
云年十有二歲在協給五月乙巳噓喻不反天墮精  
晃於是門生東武孫理下密王升等共刊石叙述才  
美以銘不朽焉其後題光和四年四月五日丁卯立  
碑舊在濰州昌邑縣近歲移置郡中云

### 逢童碑陰



右逢童碑陰題云右家門生右縣中士大夫凡十三  
人有督郵雒敏賓雒后升司文叔盛姓字按雒與司  
文姓氏書皆不載今誌于此

穀阮君神祠碑

右穀阮君神祠碑歐陽公集古錄云穀阮君祠今謂  
之五部神廟其像有石隄西成樹谷五樓先生東臺  
御史王翦將軍莫曉其義今此碑有云石堤樹谷南  
通商雒又云前世通利吏民興貴有御史大夫將軍  
牧伯故為立祠以報其功乃知石堤樹谷御史將軍  
之號自漢以來有之流俗相傳其所從來遠矣而水

經鄭縣城南山北有五部神廟廟前有碑光和四年  
鄭縣令河東裴畢字君先立又知五部神自齊魏間  
已有此號矣裴君水經以為名畢而集古錄云名暉  
今詳其點畫頗近畢字疑集古錄誤

穀阮君神祠碑陰

右穀阮君神祠碑陰縣吏及鄉人題名其字好可識  
者二百餘人摩滅者又百餘人小字淳勁可喜歐陽  
公集古錄所未嘗有也

無極山碑

右無極山碑按顏之推家訓曰詩云有滄萋萋興雲



祁祁毛傳云滄陰雲貌萋萋雲行貌祁祁徐也箋云古者陰陽和風雨時其來祁祁然不暴疾也按滄已  
是陰雲何勞復云興雲祁祁邪雲當為雨俗寫誤爾  
班固靈臺詩云習習祥風祁祁甘雨此其證也據此  
則本作雲字之推改為雨耳而陸德明經典釋文亦  
云本作興雲非也蓋德明據顏氏說改之故後來本  
皆作雨今此碑銘文有曰興雲祁祁雨我公田遂及  
我私乃知漢以前本皆作興雲顏氏說初無所據特  
私意耳

揚州刺史敬使君碑

右敬使君碑在河東平陽其額題云漢揚州刺史敬  
君之銘碑已殘缺其名字皆亡略可辨者嘗辟司隸  
從事又為治書御史竅後云年五十三光和四年閏  
月遭疾而卒其他不復可考按姓苑載風俗通有敬  
歆漢末為揚州刺史元和姓纂亦云歆平陽人而後  
周書敬珍傳唐書宰相世系表韶皆作韶余後得後  
魏敬曦造像碑亦作韶乃知姓苑姓纂之謬又集古  
錄此碑凡再出其一題敬仲碑云名字已摩滅獨首  
有敬仲字故寓其名爾疑其人姓田也其一題無名  
碑所載事皆同蓋歐陽公未嘗見額爾



藁長蔡湛頌

右藁長蔡君頌云君諱湛字子德河內脩武人也又云舉孝廉舜讓應司徒府除廣川長復尉太尉熹平四年六月詔書其下斷缺似是叙述遷藁長及在官政績又云三年遷高邑令吏民追思於是故吏栗尹等相與合會立碑起頌刊斯石焉其後有銘寂後題光和四年十二月詔書遷并州刺史其大略如此其他文字殘缺不可考矣

蔡湛碑陰

右蔡湛碑陰載出錢人名有故吏賤民議民故三老

故處士義民其稱故吏義民之類他漢碑多有之唯議民賤民獨見於此碑然莫詳其義

安平相孫根碑

右安平相孫根碑云府君諱根字元石司空公之伯子樂安太守之元子漢陽太守侍御史之兄乘氏今之考厥先出自有殷玄商之系子湯之苗又云聖武定周封干之墓胤裔分析避地匿軌姓曰孫焉又云遷鄆長雍奴令換元氏考城令諫議大夫拜議郎謁者遷荊州刺史徵拜議郎遷安平相年七十有一光和四年十二月乙巳卒碑在今高密縣所謂司空公



者栢帝紀永壽三年太常孫朗為司空注云朗字代平北海人漢三公名亦云朗北海高密人余嘗觀漢時碑碣載其家世皆止書官爵蓋為子孫作銘不欲名其父祖爾此取為得體然非當代顯人則遂莫知其為何人也又按姓苑姓纂諸書皆云孫氏周文王子衛康叔之後衛武公子爾為衛上卿因氏焉今此碑乃云出於商比干之後蓋古人或因賜姓命氏或以官或以謚或以封或以居或以王父字為氏故姓氏雖同而漁流或異書傳缺漏不載者多矣

右涼州刺史魏君碑

右涼州刺史魏君碑文字殘缺族系名字皆不可考其粗可見者察孝廉除郎中尚書侍郎右丞卒於光和四年而其額題涼州刺史魏君碑云

右碭孔君神祠碑

右碭孔君神祠碑其前題漢故行梁相事碭孔君之神祠文詞字畫皆古恠而不工又時有難曉處刻畫甚字孔君者名耽字伯本

右成陽令唐君頌

右成陽令唐君頌云君諱扶字正南字畫尚字而歐陽公集古錄乃云其名殘缺何哉碑額題漢故成陽



今唐君之頌在今濮州雷澤縣古成陽也

唐君碑陰

右唐君碑陰載出錢造碑人有故從事故督郵故吏處士門生門童等姓名按唐君碑云處士問蔡班等刻石樹頌而碑陰又有故吏問蔡巴處士問蔡楚問蔡姓不見于前史而姓苑姓纂之類亦皆不載蓋前代氏族或因改易或淺微不顯遂泯沒而無傳者甚衆今世所有姓氏書類多簡略不實惟時時見于石刻者余每記之以裨姓氏書之闕云

白石神君碑

右白石神君碑其略云白石神君者居九山之數參三條之一兼將軍之號秉斧鉞之威體連風龍氣通北嶽幽讚天地長育萬物觸石而起膚寸而合不終朝日而澍雨沾洽前後國縣屢有祈請指日刻期應時有驗猶自挹損不求禮秩縣界有六名山三公封龍靈山先得法食去光和四年三公守民蓋高等始為無極山詣太常求法食相縣以白石神君道德灼然乃具載本末上尚書求依無極即蒙聽許於是遂開拓舊兆改立殿堂其餘首尾尚皆完好可讀文多不備載其曰居九山之數參三條之一莫曉何為語



也

幽州刺史朱龜碑

右幽州刺史朱龜碑在今亳州鄰道元注水經云渦水東逕朱龜墓北東南流冢南枕道有碑題云漢故幽州刺史朱君之碑龜字伯靈光和六年卒官今以碑考之與道元所載皆合歐陽公集古錄云龜之事跡不見史傳獨見于碑爾余按後漢書西南夷傳熹平五年諸夷反叛執蜀郡太守雍陟遣御史中丞朱龜討之不能克太尉掾李顯建策討伐乃以顯為益州太守發板楯蠻擊破平之常璩華陽國志亦載其事

事與史同惟史與華陽國志皆言龜不能克而碑云蠻夷授手乞降二說不同疑碑所書非實錄也

朱龜碑陰

右朱龜碑陰文字殘缺初余讀鄰道元注水經云朱龜碑陰故吏名姓多上谷代郡人知此碑有陰因託人就亳社摸得之附于碑後

都鄉正街彈碑

右都鄉正街彈碑在汝州界故昆陽城中文字磨滅不可考究其歲月畧可見蓋中平二年正月而其額題都鄉正街彈碑莫知其為何碑也



太尉劉寬碑

右太尉劉寬碑寬有兩碑皆在洛陽上東門外官道傍此碑據藝文類聚乃相麟撰後碑不知何人所為然字體則同也

劉寬碑陰

右劉寬碑陰寬兩碑皆有陰此後碑陰也唐咸亨中碑仆于野其裔孫周王記室參軍爽字元爽重為建立寬以中平二年卒據靈帝紀以光和七年十二月改元中平以曆推之是歲甲子至明年當為乙丑而爽書為甲子誤矣

尉氏令鄭君碑

右尉氏令鄭君碑云君字季宣聘君之孫而其名已殘缺其他字畫時有可識處皆斷續不成文理略可見者年五十有七卒於中平二年而碑陰題尉氏故吏處士人名知其為尉氏令爾

趙相劉衡碑

右趙相劉衡碑云君諱衡字元宰濟南東平陵人也厥光尚矣聖漢龍興其下殘缺又云爰啓異土遷于岱陰自康侯以來奕世丕承又云教海王帝之家弟不遵憲典君以持選為郎中令以兄琅邪相憂即日



輕舉州察茂才除脩令遷張掖屬國都尉以病徵拜  
議郎遷東東上闕屬國都尉不行拜趙相在位三歲  
拜議郎年五十有三以中平四年二月戊午卒其四  
月己酉尋其餘文字完好者尚多按後漢書教海王  
名悝相帝弟也衡墓與碑在今濟州歷城界縣中古  
平陵城傍余嘗親至墓下觀此碑因模得之墓前有  
石獸制作甚工云

### 陳君碑

右陳君碑文字殘缺不字其略可識者云君諱度字  
妙高陳國相人又云武王克商封先代之後以元女

大姬配胡公至厲公生公于字奔齊其後斷續不復  
成文而竅後題中平四年九月廿一日己丑立云

### 陳仲弓碑

右陳仲弓碑其額題云漢文範生先陳仲弓之碑碑  
文已漫滅蔡邕字畫見于今者絕少故雖漫滅之餘  
尤為可惜以校集本不同者已數字惜其不字也按  
邕集仲弓三碑皆蔡邕撰其一碑云中平三年秋八  
月丙子卒三碑皆云春秋八十有三後漢書仲弓傳  
以為中平四年年八十四卒于家者疑傳誤

### 陳仲弓碑陰



右陳仲弓碑陰故吏姓多已刊缺蔡邕小字八分惟  
此與石經遺字爾石經字畫謹嚴而此碑尤放逸可

愛也古字三取者云春有人十有三與書和古  
字事如古三取者云春有人十有三與書和古

或處初習也其本不同在口燒字計其不與也  
文以對其茶字宅畫其字今未與也其與也

或射如古其與也云對文彈主夫射如古之與  
或射如古其與也云對文彈主夫射如古之與

### 隸釋卷第二十五

隸釋卷第二十六 趙氏金石錄下 蔡邕集本

陳仲弓壇碑 趙君碑

周公禮殿記 巴郡太守樊君碑

綏民校尉熊君碑 司空宗俱碑

馮使君墓闕銘 高陽令楊君碑陰

浚儀令衡君碑 光祿勳劉曜碑

張侯殘碑 荊州從事苑鎮碑

趙相雖府君碑 三公碑

酸棗令劉熊碑 臨朐長仲君碑

司空殘碑 益州太守楊宗墓闕銘



益州刺史薛君巴郡太守劉君碑

巴郡太守張君碑

禹廟碑

禹廟碑陰

武氏石室畫像

戚伯著碑

四皓神位刻石

相府小史夏堪碑

郭先生碑

魏太饗碑

魏孔子廟碑

范式碑

陳仲弓壇碑

右陳仲弓壇碑其額題故太丘長穎川陳君壇其他文字摩滅不可盡識按蔡邕集有仲弓三碑以集本校之此碑非邕撰者然字畫亦奇偉惜其殘缺不字也

右圍令趙君碑其額題漢故圍令趙君之碑而最後題初平元年十二月二十八日立碑已訛缺名字皆不可考所可見者有云郡仍署五官掾功曹州辟從事司徒揚公辟遷圍令播德二城風曜穆清被疾去官年六十有八以中平五年冬十一月卒後有銘詩特字好其辭云天寔高惟睚同戲我君羨其縱體弘仁蹈中庸所臨歷有休功追景行亦難雙刊金石示

也



萬邦其詞頗爾雅故錄之

周公禮殿記

右周公禮殿記者今成都府學有漢時所建舊屋柱皆正方上狹下闊此記在柱上刻之靈帝初平五年立距今蓋千年矣而字畫完好可讀當時石刻在者往往摩滅此記託于屋楹乃與金石爭壽亦異矣記有云甲子年故府梓潼文君增置造吏舍二百餘間按華陽國志有文參字子奇梓潼人平帝時用為益州太守不從王莽公孫述光武嘉之疑此記所載即其人也蓋光武建武十年歲次甲午云其文始末

巴郡太守樊君碑

右巴郡太守樊君碑云君諱敏字升達肇祖宓戲遺苗后稷為堯種樹舍潛于岐天顧曹甫乃萌昌發周室衰微霸伯匡弼晉為韓魏魯分為楊充曜封邑厥土河東楚漢之際或居于楚或集于梁君績其緒華南西疆又云總角好學治嚴氏經貫穿道度無文不睹於是國君備禮招請濯冕題官桀立忠蹇有夷史之直卓密之風鄉黨見歸察孝除郎永昌長史遷宕渠令大將軍辟光和之末京師擾攘雄狐緩緩冠履同囊投核長鷗畢志枕丘國復重察辭病不就再奉



朝娉七辟外臺常為治中諸部從事又云季世不詳  
米巫凶瘡姦狡並起諂附者衆君執一心賴無汙恥  
復辟司徒道隔不往牧伯劉公表授巴郡以助義都  
尉養疾閭里又行襲義校尉年八十有四歲在汁洽  
紀驗期臻奄忽減形其後有銘寂後題建安十年三  
月上旬造他漢碑類多刊缺而此碑獨首尾完好故  
載其大略于此米巫凶瘡者謂張角也

綏民校尉熊君碑

右熊君碑其名字皆殘缺其額題漢故綏民校尉騎  
都尉桂陽曲紅灌陽長熊君之碑初余得桂陽太守

周君碑陰據水經注以為曲江漢時本名曲紅今此  
碑及額亦皆作紅乃知鄰道元為有據也

司空宗俱碑

右司空宗俱碑云公諱俱字伯儂南陽安衆人也而  
其額題漢故司空宗公之碑按後漢書宋均傳均族  
子意意孫俱靈帝時為司空余嘗得宗資墓前石獸  
膊上刻字因以後漢帝紀及姓苑姓纂等諸書參考  
以謂自均而下其姓皆當作宗而列傳轉寫為宋誤  
也後得此碑蓋知前言之不謬碑已殘缺不成  
而官秩姓名鄉里特字可考故詳著之



馮使君墓闕銘

右馮使君墓闕銘云故尚書侍郎河南京令豫州幽州刺史馮使君神道按漢書馮緄傳緄父煥安帝時為幽州刺史而緄碑亦云幽州君之元子此字在宕渠緄墓前雙石闕上知其為煥闕也

高陽令楊君碑陰

右高陽令楊君碑陰歐陽公集古錄云余家集錄得楊震墓域中漢碑四震及沛相繁陽高陽令碑并得碑陰題名然得時參錯不知為何碑之陰也集古所  
有余盡得之又各以碑陰附于碑後其曰懷陵園令

蔣禧字武仲者沛相碑陰也其曰故吏故民故功曹史故門下佐者繁陽令碑陰也其曰右後公門生右沛君生者高陽令碑陰也

浚儀令衡君碑

右浚儀令衡君碑云君諱立字元節其先出自伊尹而其詔曰於穆從事歐陽公集古錄號為元節碑且云疑其姓伊而為從事也今碑首尚字題浚儀令衡君之碑蓋漢時石刻官其爵姓氏既載于額則其下不復更著苟文已殘缺又不見其額則遂難考究矣立與衛尉卿衡方墓皆在今鄆州中都方碑亦云其



先伊尹號稱阿衡因以氏焉

光祿勳劉曜碑

右光祿勳劉曜碑集古錄云君諱曜字季尼年七十  
三其餘爵里官伐卒葬歲月皆不可見今此碑雖殘  
缺然尚有可考處蓋孝文之裔又嘗為太官令郎中  
居延都尉太宗正衛尉遂為光祿勳至於卒葬年月  
則斷續不可考矣

張侯殘碑

右張侯殘碑張侯者子房也碑已断裂摩滅不可次  
叙獨其額尚完題漢故張侯之碑在今彭城古留城

子房廟中驗其字畫蓋東漢時所立樂史寰宇記陳  
留縣有張良墓引城家記云張良封陳留侯食邑小  
黃一萬戶漢為良築城因名張良城今陳番有子房  
廟廟貌甚盛余按西漢書地理志注留屬陳故稱陳  
留宋亦有留彭城留是也子房傳曰始臣起下邳與  
上會留臣願封留足矣下邳與彭城相近而此碑漢  
人所立乃在彭城然則子房所封非陳留明矣城家  
記誕妄蓋不足信也

荊州從事苑鎮碑

右苑鎮碑其略云漢故荊州從事苑君諱鎮字仲弓



南陽人也其先出自苑柏何為晉樂正世掌朝禮之制又云有苑子園寔能掌陰陽之禮即其冑也按姓氏書皆云苑氏出于左傳所載齊大夫苑何忌之後今此碑所謂苑柏何與子園左傳國語皆無其人故錄之以待知者

### 趙相雖府君碑

右趙相雖府君碑其前歷叙家世官爵而所述雖君事其略云趙國相名勸孝廉成臯令趙國相又云在官五載莅政清平有甘棠之化年世五卒于官故吏氏漢中太守邯鄲某等其名殘缺慕戀恩德刊石稱頌焉

又有闕銘題漢故趙國相雖府君之闕云

### 三公碑

右三公碑歐陽公集古錄有北嶽碑云文字殘缺尤甚其可見者曰光和四年以此知為漢碑爾其文多言珪幣牲酒黍稷豐穰等事其後二人姓名偶可見云南陽冠軍馮巡字季祖井陵下方字伯陽余嘗託人於北嶽訪求前代刻石幾盡獨無漢碑今此碑所書事及二人姓名與集古所載皆同又光和四年立惟其額題曰三公之碑而集古以為北嶽碑豈歐陽公未嘗見其額乎三公者山名其事亦載于白石神



君與無極山碑三山皆在真定元氏云

### 酸棗令劉熊碑

右劉熊碑在今酸棗縣云君諱熊字孟孟下闕一字按酈道元水經酸棗城內有漢縣令劉孟陽碑今據碑熊實為此縣令然則所闕一字當從水經為陽也碑文云君光武皇帝之玄廣陵王之孫俞鄉侯之季子也按後漢書光武子廣陵思王荆以譴死顯宗封其子元壽為廣陵侯又封元壽第三人皆為鄉侯而李利涉編古命氏唐書宰相世系表皆云荆生俞鄉元侯平平生彪襲封今據熊當為彪之弟然則於光武乃其曾孫而曰玄孫者疑碑誤

### 臨胸長仲君碑

右臨胸長仲君碑文字摩滅其粗可考者云君諱雄又云歷郡五官掾功曹史辟從事舉孝廉除郎中遷臨胸長而其額題故臨胸長仲君碑云

### 司空殘碑

右司空殘碑政和乙未歲得於洛陽天津橋之故基首尾已不完所存四十五字字畫奇偉甚詞有云命爾司空余回爾輔據此乃嘗為三公蓋當時顯人借其不見名氏也碑陰有故吏題名百餘人尤字好筆



法不減蔡邕石經云

益州太守楊宗墓闕銘

右楊宗墓闕銘在蜀中凡十六大字云漢故益州太守楊府君諱宗字德仲墓闕汝陽李長茂為蜀使者罷歸以此本見遺長茂名公年東州善士以畫山水著稱者

益州刺史薛君巴郡太守劉君碑

右薛君碑已断裂不完惟存上一段而比額尚全題漢故益州刺史中山相薛君巴郡太守宗正卿成平侯相劉君碑古無兩人共立一碑者惟見於此爾

巴郡太守張君碑

右巴郡太守張君碑其前題巴郡太守都亭侯張府君功德叙云君諱訥字子郎勃海南皮人也又云炎漢龍與留侯維幹枝裔滋布竝極爵秩又云察孝除郎中尚書侍郎遷甘陵寃句令親病去官辟司空司徒府復辟太尉舉高第拜侍御史揚州寇賊陸梁作難五府表君中丞督捕又云丙子璽書封都亭侯碑無卒葬年月其後頗叙述政績而繫以銘詩蓋巴郡太守德政碑爾按漢史自安順以來揚州寇賊屢發不知張君為中丞督捕在何年也



禹廟碑

右禹廟碑字畫殘細故摩滅尤甚其事跡歲月皆不可考略可見者云皮氏長安定蘓而名字亦不能辨矣

禹廟碑陰

右禹廟碑陰自侯長汾陰趙遺子宣而下凡數十人姓名官爵其存又有故督郵曹史縣功曹鄉部吏柏昱等人名取後有龍門復民世五戶人名在今龍門禹廟殘碑之陰而集古錄云在閿鄉楊震墓側又云楊氏子孫當時皆葬閿鄉碑碣往往摩滅此不知為誰碑者蓋誤也

武氏石室畫像

右武氏石室畫像五卷武氏有數墓在今濟州任城墓前有石室四壁列古聖賢畫像小字八分書題記姓名往往為贊于其上文詞古雅字畫遒勁可喜故畫錄之以資博覽

戚伯著碑

右戚伯著碑首尾磨滅其略可見者有云充列王室遇謗于呂委位於爵而其額題周末嗣戚氏藪以興勃海君玄孫伯著之碑知其姓氏戚以文詞字畫驗



之疑東漢中葉以前人蓋當時石刻見于今者多類  
此所謂充列王室遇謗于呂者戚夫人也

四皓神位刻石

右四皓神位神胙几刻石四在惠帝陵傍驗其字畫  
蓋東漢時書按顏師古匡謬正俗引圜稱陳留風俗  
傳自序云圜公之後圜公為秦博士避地南山漢祖  
聘之不就惠太子即位以圜公為司徒自圜公至稱  
十一世按班固述四皓但有圜公非圜公也云當秦  
之時避地入商洛深山則不為博士明矣又漢初不  
置司徒安得以圜公為之乎稱之說實為鄙也余嘗

疑稱書者自述其世系不應妄誕如此及得四皓刻  
石見其所書亦馮圜公乃知稱所述果非臆說蓋當  
時所傳知此爾至謂圜公為秦博士及惠帝時拜司  
徒者疑無所據

相府小史夏堪碑

右相府小史夏堪碑云夏堪字叔德帝萬之精苗零  
陵太守之根嗣也後有銘銘三字語頗古其卒葬年  
月殘缺字雖不工然漢碑也其曰精苗根嗣漢末人  
為文喜造語多類此

郭先生碑



右郭先生碑集古錄以為漢碑按後魏酈道元注水經其載此碑云碑無年號不知何代人然則歐陽公何所據遂以為漢人乎余以字畫驗之疑魏晉時人所為既無歲月可考姑附于漢碑之次云

### 魏大饗碑

右魏大饗碑按魏志文帝以建安世五年嗣位為丞相魏王改元延康夏六月南征秋七月甲午軍次于譙大饗六軍及譙父老今以碑考之乃八月辛未蓋魏志誤也是時丕為丞相漢獻帝猶在位雖正去王室已久然操之死總數月爾丕軍次舊里初無念親之心方與群臣百姓置酒高會大設伎樂而臣下又相與伐石勒詞夸耀功德更以夏啓周成漢高祖光武為比豈不可笑也哉

### 魏孔子廟碑

右魏孔子廟碑按魏志文帝以黃初二年正月下詔以議郎孔羨為宗聖侯奉孔子之祀及令魯郡脩舊廟今以碑考之乃黃初元年又詔語時時小異亦當以碑為正

### 范式碑

右范式碑法書要錄云蔡邕書今以碑考之乃魏青



龍三年立非蔡邕書也

有錄無說者

章和石記 章和二年

窆室銘 永建元年

河東地界石記 延熹四年 堵陽長謁者劉君碑 建寧元年

仲君碑 建寧四年 郎中王君碑 光和元年

南武陽墓闕銘 元和三年 頻陽令宋君殘碑

陽都長徐君冢闕銘 碑 魯相謁 碑

張公廟碑 逢君殘碑

山陽卒史司馬留碑 首山復民碑

首山復戶姓名 鍾君碑

史晨孔廟碑 建寧元年四月

史晨孔廟後碑 建寧二年二月

孔德讓碣

樊安碑

韓府君孔廟後碑

韓府君孔廟後碑陰

孫叔敖碑

桐栢廟碑

祝睦碑

祝睦後碑

堯廟碑

堯廟碑陰

張壽碑

張表碑

劉脩碑

北軍中侯郭君碑

邨閣

婁壽碑

繁陽令楊君碑

楊君碑陰



陳球後碑

西嶽復民賦碑

劉寬後碑

譙敏碑

楊震碑

高陽令楊君碑

高君墓闕銘

富春丞張君碑

不其令董君碑

督郵班碑

韓明府孔廟碑陰

李翕碑陰

靈臺碑陰

郭禧後碑陰

尉氏令鄭君碑陰

宗俱碑陰

司空殘碑陰

右趙氏金石錄三卷趙君名明誠子德夫密州諸

城人故相挺之之子也所藏三代彝器及漢唐前

後石刻為目錄十卷辨證二十卷其稱漢碑者百

陳球碑陰

郭究碑

劉寬前碑陰

武榮碑

楊震碑陰

楊君碑陰

武陰令高君墓闕銘

仙人唐君碑

殘碑四

沛相揚君碑陰

孔彪碑陰

帝堯碑陰

孫根碑陰

綏民校尉熊君碑陰

劉熊碑陰



七十有七其陰四十今出其篆書者十四張平子碑後碑

殘碑山陽麟鳳贊宗資墓天祿辟邪字琅邪相王君墓闕銘逢府君墓石柱文永樂少府賈君闕銘

蜀郡太守任君神道蜀郡都尉王君神道小黃令

陳君額非東漢者二膠東令廟門碑隸釋所闕者蓋

未判也撥其說載之趙君之書證據見謂精博然

以衛彈為街彈以縣竹令為縣令之類亦時有誤

者紹興中其妻易安民士李清照表上之趙君無

嗣李又更嫁其書行於世而碑止矣

隸釋卷第二十六

隸釋卷第二十七

天下碑錄

漢陳留太守程封碑在開封府封丘縣東二里墓下

漢酸棗令劉熊碑在本縣古城內按其文熊字孟陽任酸棗令百姓刻石紀績有陰記

立碑故吏姓名

漢執金吾高褒碑在雍丘縣南五十五善鄉墓下

漢太尉高峻碑在雍丘縣

漢三老袁良一作碑在太康縣石牛廟又云在縣西北

三十里陽夏鄉墓下

漢袁騰碑在太康縣

永建六年卒塋于此



漢西平令楊期碑 在尉氏縣西南四十里三亭鄉有

首尾

漢征西大將軍楊瑾碑 在尉氏縣三

漢邊詔碑 在開封縣東北五里

漢邊讓碑 在開封縣

漢童襲碑 在開封縣

魏隱士程冲碑 在封丘縣按程隱君墳在

魏酸棗令母丘悅碑 在封丘縣南四里碑當在墓下其文悅字抱

碑立

魏征虜將軍南州刺史王賢思碑 按圖經賢思名亮

十里義縣鄉墓下

魏御史大夫袁渙碑 在太康縣

魏鍾繇碑 在尉氏縣西北三十里蔣城鄉高兼村今

北三十五里有鍾繇古碑斷折文字磨滅

魏何伯申碑 在陳留縣東

魏徐州刺史韓陵碑 在東明縣

漢八都神廟碑 在鎮州先氏縣西北二

漢封龍山碑 在獲鹿縣南四十五

漢藁城縣長蔡湛碑 在本縣西二十

漢無極山碑 在先氏縣西北十年立



漢無極山神廟碑 光和四年

漢上谷太守張禪碑 在定州安熹縣東六里

漢孝子王立碑 在安熹縣東三十里

魏中山太守常通碑 在州城西三里

漢北嶽碑

漢敏勗碑 在冀州

漢譙敏碑 在棗強縣

漢賈敏碑 在棗強縣東三十里

漢張公神碑 在通利君衛縣和平元年

漢李固碑 在懷州山陽城內

漢劉班碑 魏文帝為兗州刺史封為馬侯在澶州縣三十里墓下

漢左伯桃碑 在安肅軍安肅縣前

魏張文簡碑 在湯陰縣西一百步

魏劉盆碑 在祁州梁澤縣正始二年立

漢蘇武功碑 在東京北府武功墓下

漢太守樊演碑 在河內府臨晉縣內墓側

漢乞復華下民租田筭狀 在華州華陰嶽廟內 樊毅奏唐盧倣重立

漢司徒劉奇碑 在華陰縣

漢西嶽華山亭碑 在華陰縣 樊毅光和中元

漢西嶽華山廟碑 在華陰縣 遠逢延熹四年



漢劉黨碑在華陰縣墓下文字磨滅

漢穀坑君神祠碑在裴畢君光立

漢石闕銘永和元年常山太守造

漢太尉楊震碑在閿鄉縣西十五里以前

漢大陽令楊君碑在閿鄉立

漢繁陽令楊君碑故吏立

漢金城太守楊統碑在閿鄉墓前

漢李翕碑在成州崖石上字皆少好有甘露白鹿黃龍連理木四物圖記李翕之政治也

漢郭有道碑在太原府平晉縣蔡

魏馮勅碑在潞州上黨縣南墓下

魏陸嚴碑在上黨縣西墓下

魏并州刺史王桓碑在縫州縫縣東南二里墓旁

漢敬歆碑在正平縣北二十里墓側

漢郭林宗碑在汾州介休縣墓側

魏車騎將軍穆祚碑在介休縣南墓下

漢山陽太守祝睦碑二在應天府虞城縣東二里

漢丁儀碑在虞城縣墓前

漢陽翟令許叔臺碑在柘城縣西南光和中立

漢兗州從事丁仲禮碑在楚丘縣北三里

漢太尉掾橋載碑在宋城縣五里



漢繹幕令碑 在宋城縣東

漢橋玄碑二 在宋城縣漢朝群儒咸橋氏德行之美  
一故吏司徒博陵崔烈立一

今隴西抱罕等立

漢慎令劉君碑 在穀熟縣門外夫子廟中

漢樂陵令太尉掾許嬰碑 在柘城縣西南

漢光祿勳劉曜碑 并陰在鄆州項城縣

漢彭府君碑 在中都縣

魏兗州刺史李伯茂碑 在曹州

漢帝堯碑 在濟陰縣

漢堯祠祈雨碑 在濟陰縣

漢堯母碑 在濟陰縣

漢劉熙碑 在徐州甯縣二十五里

漢袁安碑 在子城南門外百步

漢高祖感應碑 在豐縣北延熹十年豐令劉疊立

魏樂安長劉世碑 在彭城縣北

魏羊續碑 在兗州

漢御史大夫鄭君碑 在龔丘縣墓下

漢司徒吳雄等奏孔子廟置卒史碑

漢魯相晨等奏出王家穀祠孔子廟碑 在仙源縣建寧二年

魏封議郎孔羨為宗聖侯碑 曹植文梁鵠書黃初元年



漢太山都尉孔宙碑 在仙源縣墓前

漢孔彪碑 在山源縣

漢碑 永壽三年故婁州從事孔君德於孔子墓祠壇前立 在仙源縣

漢孔謙碑

漢司晨孔峽碑 在山源縣墓前

漢尚書郎河東太守孔宏碑 在山源縣二碑建寧元年立

漢御史孔翊碑 在山源縣墓前

漢博士孔志碑 在山源縣孔子墓東

漢魯相韓勅修孔子廟碑 在山源縣

漢魯相韓勅復顏氏繇發碑 永壽元年

漢尊士倪壽碑 在山源縣南七十步魯城內

漢什邑侯相張壽碑 在單州成武縣城內墓南

漢侯伯咸碑 在單父墓前建寧中立

漢廬江太守范式碑 在濟州任城縣西南四十里入

漢中郎王政碑 在任城縣墓前

漢司隸校尉魯峻碑 蔡邕書在任城縣墓南

漢少傅何君碑 在任城縣墓下

漢執金吾武榮碑 在任城縣墓下

漢古司馬城鐵碑 在金鄉縣東南四十里云漢浮陽侯司馬耀所封也

魏太尉滿寵碑 在金鄉縣墓前



漢景君碑二

題云漢故

謁者景君益州太守景君碑

漢馬後廟碑

漢馬江碑

漢御史大夫邾慮碑

鍾繇書在墓前

漢童恢墓雙石闕字

在任城縣南七里一云童恢琅邪人其令童君

漢麟鳳碑

在州衛

漢費令田君德政碑

在沂州

漢童子逢盛碑

在濰州俗云董孝碑

漢孫嵩碑

在密州安丘縣西四十里冢前

漢安平相孫君碑

在高密縣西南五十里

魏金鄉令徐公碑

在任城縣景明二年

魏管寧碑

在安丘縣西南五十里冢前

魏邴原碑

在安丘縣西南四十里墓前

魏孫炎碑并妻碑

在長山縣西三十里長白山東甘露五年

漢太尉劉寬碑二

在河南府上東門弓手營內門生故吏各一等碑陰

漢石經

尚書論語公羊張奎龍圖家

漢司徒掾梁君碑

在襄州穀城縣東建安二十七年文字唐滅

漢玄儒婁壽碑

在乾德縣勅書樓下

漢凶陽太守碑

在穀城縣西二里古筑城東文字唐滅

郭輔先生碑

不知時代



漢筑陽侯相景豹碑 在穀城縣西一里

漢侍中王逸碑 在宜城縣南三里

漢南陽太守秦君碑 在宜城縣熹平年立惟碑首據

漢南陽太守秦君碑 在鄧州南陽縣字磨滅惟碑首

魏章陵太守呂君碑 在南陽縣

魏受禪碑 在潁昌府臨潁縣魏文帝廟梁鵠書

漢僕射荀公碑 在長社縣東北十里墓前磨滅

漢司隸從事郭君碑 在孟州濟源縣

漢北軍中侯郭君碑 在濟源縣

漢光武皇帝碑 在汝州汝墳鎮

漢封觀碑 在項城縣墓前

漢蔡昭碑 在隨州光縣墓前

漢桐栢神碑 在唐州延熹中

漢中郎侍樊安碑 在縣南門外二里許通側

漢中郎何曹騰碑 在亳州

漢老子銘 在衛真縣太清宮邊詔文蔡邕書

魏大饗碑 在譙縣魏文帝廟有陰梁鴻書圖經云曹

漢幽州刺史朱龜碑 在譙縣墓下

玄孫伯著碑 在宿州

漢楚相孫叔敖碑 在光州固始縣西南本廟內



漢秦始皇碑

東海相任恭修理祠於碑背刻在胸山

漢東海祠碑

永壽元年東海相相君

漢唐邑令費君碑

在湖州云烏程并陰

漢羅訓墓誌

在州衛字仲慮

漢梁相費君碑

在衡州耒陽縣南六十里

漢南昌太守谷所碑

在耒陽縣東北

漢清刺史劉焉碑

在耒陽縣十五里墓下

漢胡騰碑

在耒陽縣南四里

漢羅含誌

在耒陽縣南四里

漢桂陽太守周使君碑

在韶州樂昌縣郭倉文

漢周公禮殿石楹記

在成都府初平五年鍾會書

漢楊侯伯墓碑

在屏墓北

漢王稚子墓文

在新都縣

漢祈里橋郵閣頌

在漢州建寧五年仇子公長書名

漢廣漢大字沈子璩碑

碑云熹平五年綿竹立

漢馬融墓碣

在什邡縣字有唐滅今亡

漢嚴君平廟前碑二

在縣竹縣文字唐滅

漢上庸長闕文

在德不縣靈龕鎮

漢刺史李頊碣

在綿州巴西縣今在開元寺文字唐

漢張翼碣

在州東四十步



漢中令楊暢墓碑

在嘉州夾江縣東南古賢鄉

漢仙人唐公昉碑

在興元府

漢沛相劔門范皮墓闕文

在劔州梓潼縣東墓前字不甚多記名目而已

漢趙國相雍勸墓石闕文

在梓潼縣東二里墓前

折里橋閣碑

在興州州衛有三段并首

漢王褒墓碑

在資州資陽縣北二十五里墓前文字唐滅

右天下碑錄凡十卷近世不知作者所載多唐人

碑今刪取其東漢者著于篇魏碑十數予所未見

者亦附焉姓名舛錯者悉存其故其所謂漢或有

三國之漢與五湖之漢者其所謂魏疑亦有元魏

者非得碑不能區別也它日中原復為王土則志

古之士可以按圖而求之



隸續卷第一

一

封士大夫

古碑

一

八

暴平郎中王政碑

三

春

民

九

豐平輿令薛君碑

命

深

削

卒

梁休碑

中

三

署

碑

防東尉司馬季德碑

碑

碑

碑

中山相薛君成平侯劉君斷碑

碑

碑

司空殘碑

碑

碑

碑

碑

碑

處士嚴發殘碑

碑

碑

碑

碑

郎中王政碑

碑

碑

碑

碑

君諱政字季酺漢中太守之孫從事掾之第三子





也姿履

字闕三

穆之榛愛敬

以事生哀憊

以送終奉

字闕三

歐陽尚書

闕

研典賁祝

字闕三

上

字闕四

童冠聿

集

闕

承義方

闕十

郡瑞右州辟從事

字闕二

衛上先

公

字闕二

有羔羊之繫繫申棠之欲

闕

不營已好是

正直抑不

字闕六

守防東長威

闕

雙行帥下以儉決

訟明

闕

民森

字闕二

淫佚革弭問里

字闕二

風化宣流

家

字闕二

施舉孝廉除郎中

三署馳名見者宗

闕

當

豐人爵登被

字闕二

神

命闕四字

罕

闕

脩仁不

闕

卒從氣

暴年五十以元嘉三年春正月戊寅

字闕三

既歿而

不闕於

闕

是問徒士夫

闕

君

字闕二

咸有

字闕二

乃相與

立石表行以

闕

後其辭曰

於明君

闕

方

闕

白時言樂咲由經不曲

闕

職左

公事君謇評退食繇私透虵允

闕

仁慈

字闕三

讓忘

字闕二

清潔已惟德之宅有嘉厥聲令問孔碩養

闕

俟

字闕四

夕階

闕

不

字闕六

以勒銘

闕

昭厥德

右漢故郎中王君之銘隸額在濟州王君名政

字季醜歷州從事防東長察廉除郎其壽五十

以威宗元嘉三年正月戊寅卒門徒士夫相與

立此石字雖殘闕石多可讀者歐陽公云磨滅

不復成文名字官闕卒葬年月皆莫可考蓋察



之不詳爾爾小歐陽以為其字季圃趙氏以為  
光和元年立皆非也碑云有羔羊之潔無申棠  
之歆鄭司農注魯論云申棖蓋孔子弟子申續  
家語申續字周史記申棠字周此碑所用有自  
來矣碑以貞為贊感即感字劉即絕字

平輿令薛君碑

惟延熹六年春二月平輿令薛君卒烏虜哀哉吏  
民其咨咨君之德廼建碑石于墓之側其辭曰  
於皇降惠于茲哉君戎君毅租官有世功廼候子  
薛苗胤枝今作漢卿尹七世相承君之懿德性此

淑真如冰之潔如玉之堅靡術不綜罔禮不遵忻  
忻之至三族良敦英名委質宣召令聞升州入宰  
柄乎其勛莅政已吾爛而有成選典平輿匪威匪  
仁寬猛各濟雍矣惟清化未期月遺此竺旻吏民  
穆卜嘗禱屏營旻天不弔不憖遺君掩習薨祖命  
不可作國人巷哭若喪厥親鬢白彌惶童穉呻  
嗟嗟酷痛如何昊乾靈柩旋歸邈此空窆悵悵士  
傷惻叢酸辛嫵旋畢至素縞填庭於是吏民廼復  
追歎君初舉孝三署播名爰佐戎關來臨汝南剖  
符之貳千里同塵料揀真賓好此微聲貢奇達異



迴酌清英遺風令歌永矢不愆云君回輜誰不褻  
歡意迷流乃隕乃顛如可續也人百其身昔邵  
臨國民謂之父令也薛君追蹈厥緒身歿言存是  
謂不朽于我吏民悲墓置已刊石紀銘永昭于後  
右漢故平輿令薛君碑隸額前有叙凡三十六  
字大畧云平輿延熹六年二月卒吏民咨其以  
德建碑于墓之側次有銘詩三百四言文雖無  
缺而不書其名字其云我君肇祖廼侯于薛者  
謂夏之車正奚仲也又云作漢卿尹七世相承  
者西京有御史大夫廣德沛人東京有千乘太

守漢淮陽人其傳云世習韓詩父子以章句著  
名元和姓纂云薛公獻策滅黥布其元孫曰廣  
德而千乘又其元孫也平輿豈其苗裔耶其元  
君初舉孝三署播名則知其以孝廉為郎也又  
云莅政已吾遷典平輿則知其嘗治陳留之邑  
也又云來臨汝南剖符之貳者汝南治平輿縣  
蓋以縣令為郡守之貳也又云昔邵臨國民謂  
之父者謂南陽太守召信臣也薛君為令而云  
追跡厥緒者取其循良而用之不以守令為拘  
也詩云永矢護禮云終不可諠兮二字蓋通



用此則借愼為誼也楊雄傳纍既作夫傳說注  
云作古攀字此銘以君功承堅南清誼攀數聲  
為一章詞句鏗鏘若合音律漢人作銘頌用韻  
多如此韓文公此日足可惜詩出入數韻中正  
用此體即聲字實即實字裏即懷字亦音篤  
碑云遇此三是  
恐是亦借用

司徒掾梁休碑

上闕休字元堅蓋闕二之苗裔也下闕載踵勛業文  
武相濟君魯號稱三下闕郎中早終君慕孝鴻軌  
體履邠懿敬下闕為主動以禮讓為先每在周儕

推入抑已下闕而後流馨香播越名實先登仕郡

歷五官下闕淑瑋遂察孝廉除郎中光祿主闕昭

德塞遠下闕韜光翳耀隱身殉道隘窮不悶匪下

闕令始實下闕通四海之閔涂禁防既釋辟司徒

府秉忠蹈契下闕勞滿奏上拜新都令謙焉自赦

寢疾於家季六下闕有二月戊寅卜葬太守安平

趙府君家厥高藪下闕尼父之美宋叙三命之伐

考有立名釵宜見於下闕守節曰貞博聞曰文請

謚休為真文子爾乃祐下闕詞曰

上闕文允巵棘勤典素精孔墨高難隱深不測下闕



紫極遐尉罔復潛伏靈闕張闕鼎式掌既盈命下

闕玄石勒立堂詞時神德歿不朽傳北僖

右司徒掾梁君碑篆額惟存掾碑二字碑錄云

襄州穀城有司徒掾梁君碑建安廿七年立此

黃武前一年也豈吳人尚用漢曆乎否則誤字

也梁君名休字元堅為郡五官掾歷郎中光祿

主下闕辟司徒府拜新都令有大葬日月而闕其

所終太守趙君相與謚之曰貞文子銘詩以三

言為文梁君終於宰邑而以公府掾書其額者

重內也東都光祿雖有主簿而戴就傳云舉孝

廉光祿主事汪引風裕通曰光祿奉盼上就為

主事此碑光祿主之下闕一字未可斷以為簿

也其云禁防既釋則鉤黨也又有韜光翳耀隱

身殉道隘窮不悶之句銘則云遐尉罔退潛伏

皆謂黨事當是時天地閉塞邪枉熾結閔三木

錮五旋者盡天下之名流其得幸免者蓋鮮矣

中平初黨禁始解久幽之士信眉而復起梁君

遂從聘召更二十餘年而卒群將至於累行論

謚宜不在夏恭范丹之下史策既沒而無傳集

右如歐趙又遺而不錄幾不得比於婁壽魯峻



因裨碣以著見石雖勵存賴它書而得其姓士  
之澡身厲操而能垂光於後者亦難哉字祐即

字拓

防東尉司馬季德碑

上闕年九月廿九日故山陽府卒史防東守尉司馬

闕字季德闕二先出闕五氏之裔也闕二三代

常為侯伯周武克商闕其胤族闕四仲闕五施於

民迄于闕二世濟其美不實其功闕二金銀翼衛

闕四于李德秀有聲闕四文栗惠闕恭

接物耽古好學闕三襄道闕六歲親闕三

克誦其詩既優闕六明允篤誠不闕三小闕畏慎

如臨于谷左公明明委蛇其德德闕三肅肅闕

壽黃者永享五福猥遭温疾喪交華榮闕郡人

諸友闕鄂闕驚闕三會集不涕霑闕發闕舊宅

消邢幽門百兩旁旁幡闕悠悠送者闕悲闕德

金石幡闕三魂而有闕嘉闕寵休烏虆哀哉

右山陽府卒史防東守尉司馬君碑其名闕其

字季德有所終之月日而其年則摩滅陳勝傳

云勝攻陳陳守令皆不在獨守丞與戰譙門中

張顏並注為群守縣令又云郡守之丞故曰守



丞司馬氏索隱曰秦無陳郡皆字是衍文守令  
與守丞同守非官也劉敞原父云是陳縣之業  
令游俠傳王游公謂茂陵守令尹公曰君辱原  
涉如是一旦貞令至復單車歸為府吏注云守  
茂陵令未貞為之隸釋有羊竇道碑云青衣尉  
趙君到官六日邵召守鐵官長積四月徒守陳  
都令後還歸尉官又金鄉守長侯成碑云郡守  
五官掾功曹守金鄉長積冢假印綬周憬碑陰  
有滇陽守長南平丞蹇抵三人者亦是以它官  
攝事此云山陽府卒史防東守尉者以郡曹而

攝邑官其本秩自如故猶今之無權也防東二

字頗曖昧難辨故趙氏以山陽卒史名之自三

蒼滂喜亡李斯作蒼頡篇名曰三蒼滂者漢和弟時

即中以隸字為始廣小學不絕如綫字書行于今者

篇莫加於類篇韻莫善於集韻所載隸古以石

刻校之則攢摭尚多脫畧隸法皆以悠作悠此

碑又省作悠稽之篇韻咸無焉聊因論此擬急

就之一章云滂喜悠悠獨隸繼滂喜悠悠獨無

教司馬君鄭固劉寬楊厥隸灑乖離碑一字數出不再見者易東世張納孔耽袁逢戚伯著富春丞碑駟異昇新隸



英章

救孔異爭新墜筆意出周憬楊著韓斷樓園

藉載

斷據圖藉載一祝睦平楊厥孟郁

農

義農出費汎邦舜高孔出鄭國終馨

龔

秋出孔相碑陳鄒魯出楊震

孔

郭仲奇碑俞霸楚出孔

基

恢出劉修啓劉祚出逢童

孔

奕臺碑鎮

泉

變棄出苑鎮

劉

寬郊今碑

解

桑曹出逢童華

山

亭百梅相碑

英禮

秉典禮出克帝

術

顯儒術孔蘇碑峻

郁

峴

鳳

雲霜露星電燿

碑

鼎遵喜光璣鼎

山

孫根統三公

晨

袁逢祝睦次二

字

靈臺下帝克碑

龜

出孔瞻樊毅唐公房靈

假借字書所不應棄蔡伯喈奉熹平之詔列鴻

都之碑晚學咸所取正未嘗一字好奇也如前



急就雖曰漢人典刑亦石經之所不取經之學者事不師古乃緣手隨筆變點畫摹偏勞以取新尚恠為能間有所據不過魏晉以後字體爾此膏育之疾也碑以鄂為愕以刑為刑殫即彌字

中山相薛君成平侯劉君斷碑

益州刺史中山相薛下闕

巴郡太守宗正鄉成下闕

惟二君下闕神府乃下闕平文武下闕祭死者下闕

薛劉征討輕下闕曰下闕賢勞下闕墅下闕功下闕

闕今下闕

右漢故益州刺史中山相薛君巴郡太守宗正鄉成平侯劉君碑隸額頗雜篆體其碑髣髴二十行所餘其上一段它石斷烈不存矣第一行有益州刺史中山相薛八字第二行有巴郡太守宗正鄉成八字第三行有惟二君三字餘皆不可句讀蓋箭兩行各舉其官後行始是碑語與廣漢屬國亭季二君碑正同其間有祭死者及薛劉征討字殆是紀迷平寇之事趙氏誤以為墓刻故云古無兩人共立一碑者又以劉君為成平侯相詳其額初無相字此蓋王子侯也



西京列侯其傳國皆有世次東京枝葉既不蕃  
而史筆又簡畧其書于策者不過如東海王傳  
云王弟二十二人皆為列侯爾故劉君之名不  
可得而考周官大宰卿一人為大宰以卿一人  
為之也百官志太傅上公一人太尉公一人太  
常卿一人蓋史氏用周官之法紀傳所書居三  
九之官者皆不繫以公卿字惟孔廟碑稱吳雄  
為司徒公趙戒為司徒空公衡方碑題云衛尉  
卿與此碑所題宗正卿乃遣辭揮翰者益之非  
當時官名也大尉劉寬司空宗俱光祿勳劉曜

廷尉仲定碑額俱不加公卿字後世以卿名其

塞官則自蕭梁始

司空殘碑

上關躬羞觴豆婆娑尊俎盛下關命爾司空予回爾

輔匪下關功遂不居思冲去盛消下關納我銘范

既童且彪庶下關予惟哀憤用著思詩下關

右司空殘碑四十五字政和乙未年得之西洛

天津橋下所存片石總五行行九字皆銘詩也

字徑二寸餘雄健清新蓋漢代之神品其詞有

云命爾司空趙故氏謂之司空殘碑末云予惟



哀憤用者斯詩知其為丘壘之文也碑因有皮氏段升子榮題名百有餘人訪之未獲

處士嚴發殘碑

上闕月戊申朔五日差丑彭城下闕栢韻倭陳章言

處士嚴發下闕生則有曾閔出行送終則下闕允

誠於多友不求直下闕分離拔身委讓勤四體

呂下闕志鑄堅仰高西遲衡門甚下闕例所述本

有一行則可尊下闕蓋孔子作春秋褒儀甫呂下闕

塞利欲出後是故貴有商下闕呂顯寶玉今聽表

門閭復下闕勉雙德已表棧言會月下闕

上闕君丞汝南番君戶曹掾下闕

右處士嚴發殘碑所存十有二行行凡十字其

大畧載栢韻陳章所言處士嚴發有曾閔之行

栖遲衡門誠於朋友引春秋褒儀甫之事後有

聽表門閭復之文復下字闕蓋邑官稱嚴之行

遂表其門閭復其祖繇而碑之所由立也未有

丞汝南番君及戶曹掾題名當是其時官寮也

其首行日月之下有彭城字乃其鄉國也召誥

云戊午杜于新邑越七日甲子是從戊至甲為

七日畢命云六月庚午肅越三日壬申亦是從



耻壬壬為三日西漢律歷志引逸書粵五日乙卯亦然惟武成云丁未巳于周廟越三日庚戌則是祀廟之後三日去丁而不數與召畢二篇立文不同此碑云戊申朔五日癸丑者正用武成句法百官志孝子順孫烈女義婦及學士為民法式者皆扁表其許氏門說文云扁者題門戶之文則旌門之事東都蓋已有之此碑不見歲年疑其非漢刻雖字畫不工却不類魏晉以後書法棄之又可惜也

碑云鑄堅仲高與今文論語不同又以西為拙僕為蹊棧為夷韻古響字悉即志字

隸續卷第一

隸續卷第二

新奔候鉦  
耿氏鐙  
五君栝梓文  
征南將軍劉君神道  
司農劉夫人碑  
任君殘碑陰  
舉吏張玄殘題名  
公乘伯喬殘題名  
雒陽稚子六字



平陽府君六字

新奔候鉦

候鉦重五十來斤新始建國地皇上成右年右工  
晦造畝夫放守史凡掾太守左丞守令嘉掌共工  
大夫字關二省

右候鉦四十二字關二字王奔地皇二年所作  
紹興中出於金州今在毗陵胡承公家漢器如  
館陶釜甘泉內者鐙之類雖非彝鼎間古文蓋  
猶是篆體獨此器所書有波畫字九清勁與漢  
末筆法無異孰謂西都隸字皆古拙乎范史祭

祀志東夷傳俱有建武中元之文與此所謂始  
建國地皇相類語語在何君閣道碑說文黍象  
形如水滴而下賈山云黍塗其外是也而漆象  
絺紵椅桐梓漆之類經傳已多借用至今反以  
黍為古字漆沮之漆却有省其水者韓勅碑書  
漆作溱此云重五來斤十者隸法小變而借用  
作七也吳天璽年國山碑云神女告徵表祥者  
世有黍唐裴談司刑寺佛跡碑云長安貳季漆  
匪夫豈無據乎惟北齊文宣以七為漆而誅上  
黨王渙則寃於虛也數自壹貳至于玖拾莫非



假借獨涑字鄙俗無它訓若倣古而用漆漆豈  
不韻勝葬本傳云葬自以土行故令太傅府置  
戊曹以戊子代甲子為六旬之首冠用戊子為  
元日昏以戊寅之旬為忌日令太史推三萬六  
千歲曆紀六歲一改元遂改年為池皇其所下  
書有上戊六年之文孟康注云上戊日葬所作  
曆名故此云上戊二年也趙氏有居攝墳壇刻  
石二其一曰上谷府鄉墳壇一日祝其鄉墳壇  
皆居攝二年造趙云上谷都名祝其縣名王莽時  
官名日易史家不能盡紀不知府鄉祝其鄉為

何官子嘗於廣漢屬國造橋碑論之矣應劭所  
云大縣有丞左右尉所謂命鄉三人漢隸有吳  
郡府丞武開明碑而武榮碑中稱之曰吳郡府  
卿又沈子琚緜竹江堰碑云縣丞王卿則居攝  
墳壇所刻乃上谷府丞祝其丞也予未獲此二  
碑因說王莽侯鈺故并及之

耿氏鐙

延光四年二月耿氏作鐙北二工張裒造

右耿氏鐙安帝延光四年所作見於錢塘薛尚  
功彝器款識碑比二者言如此器之比有二也



兩漢器物銘存于今者皆是篆文獨此一鑑用  
隸第薛君酷好篆古不習隸法模勒不精頗失  
其真未知此器今藏于誰氏也

五君祐梓文

大老君

西海君

東海君

真人君

仙人君

右五君括梓文十五字予所見者已裝治成帙

不得詳其刑掣五君之旁有卷各三徑三寸餘  
其中者圓若碑碣之穿上下二卷則壻褊不勻  
亦有闕其一者藏碑若歐趙皆所無有復不見  
於諸家雜說中殆莫知為何物獨武陽黃伯思  
長睿作洛陽九詠其瞻上清一篇中云窪梓五  
兮石栝九饗西后兮服東后所注甚詳今併錄  
其詞云睠邛阜兮北睇眇璿題兮雲際羗胡為  
兮斯宮肇先唐兮六世唐初北邙有老子廟開元未廟北列建玄微觀  
後曰上蕊殿兮穹崇桂棟兮椒墉綺疏晃兮杲  
清言日瑤鐸韻兮曾空峩云冠兮紛羽袂飈為車兮



鶴為驥暖郡真兮飛駟悉云從兮仙李日旂兮

霞旆騰玉虬兮沛父款祖祀兮肅祗瑤瓊章兮

綵繚唐明皇朝謁齋宿煥妙繪兮秀發五龍儼

兮千鷺列棹兩駿兮塏蒙隨一掃兮煙滅官碑

道玄畫即杜甫稱五聖聯龍衮十官列鴈行本

朝祥符中有吏以其故暗割而更畫森羅妙絕

得數像冥荼壁後為大水所沒鬱梁子兮翠枝

穆藏史西兮鹿紺牛度亟関兮伐貌木何為兮

此留殿後有古木相傳名梁子木老窪拌五兮

石枯九饗西後兮殿東后若胚渾兮自然差渺

茫兮難究宮中有方石上列圓穴五捕穴九俗

謂之九郊石側各有題記曰大老居

真人居仙人居東海居西海居字與漢人隸法

同其穴殊無刊刻之即乃漢是所作以祠真仙

耳圓者代拌楸者代栝就石為之若窪尊之類

或云晉世仙人白仲理作此鍊丹非也蓋字畫

不類漢世穎栢翠兮梨紅金井露兮玉橙風思少

陵兮不可再得吾獨吟乎山之側又東觀餘論

載政和中黃君瞻上清跋語云此碑帙有五君

栝拌故書於右且云欲考栝拌所以者觀此可

知也宣和殿藏碑錄以為漢碑而名之曰真人

君石樽刻石與四老神作机刻石同帙良由此

石就其上有器物之狀以祀五君故或謂之栝

拌或謂之石樽而黃君之辭可據始知是洛陽



上清宮中之物其文唯大老君三字最大蓋尊老子也西海真人六字却似晉人筆札豈鐫刻有工拙乎六經無真子獨於諸子見之延熹中蔡邕作王字喬碑及仙人唐公碑房皆有真人之稱矣

征南將軍劉君神道

有漢征南將軍劉君神道  
右征南將軍劉君神道十字大小與稚子闕想類而劉勁過之惟後兩字利損兩漢雜號將軍掌征伐背叛事說則罷不常置也唐杜佑云四

征興於漢代四安起於魏初四鎮通於柔遠四平止於喪辭在光武時岑彭嘗建征南之號矣牛僧孺玄恠錄載盧公渙為明州刺史時有盜發漢征南劉將軍墓者蓋在明之翁山縣其官氏偶同非此劉君也

司農劉夫人碑

漢故

司農夫字人祖自會稽山陰姓劉匹勿述夫乃受

棧貞闕體性性純淵非體字不行闕仁闕四絜絜倉

字闕二允九於字帝爭絲昆盈字房導男阡以



關八 篤 關七 儀 關三 言 德 齋 古 効 狂 徇 為 關八 宮

關 復 金 關一 井 香 車 驪 陣 關七 公 嚴 關南 南 奉關

字 侯 相 關 迎 賢 極 攸 悠字 遠 索 索字 名 關廿 幽 巖 哲 字

嗟 酷 關七 穢 關四 畫 圖 像 甄 采 其 關七 鄉 九 關八

帝 亟

右司農夫人碑漢太尉許馘之室也首行有標  
題之文石已剝剝所存數十百字其漫漶者強  
半惟次行獨全故知其性劉氏而為山陰之人  
其辭惟數句可讀如云體性純淑非禮不行及  
孫息盈房而已其云德配古列任似者以似為

似也字畫多雜篆體所書以字全類孔宙碑其  
它偏旁多與故民吳公碑山中相薛君題額相  
類應劭漢官儀所載三公孝靈時有吳郡陽羨  
許馘李軼漢紀光和四年馘以衛尉代劉寬為  
大尉今許氏兩墓皆在宜興而此碑猶在夫人  
冢旁吳處原青箱雜記云義興有許馘廟其碑  
許劭所作唐開元中諸孫重刻碑陰有八字云  
談馬礪畢王田數七徐延休獨之曰談馬即言  
午言午許字囑畢必石卑石卑碑字王田乃十  
里千里重字数七是六一六一立字今其殘碑



纒有數十字其間載許君自司農遷衛尉此文稱劉氏為司農夫人則銘墓時許猶未為衛尉也其碑在光和之前無疑建康王厚之云其友陽羨劭偉常泛舟過許氏叢冢見水濱一石舉而察之則許君殘碑也邵遂載以歸厚之字順伯樂古多聞山陰石臺鄉亦佳氏相與搜竒挾怪埤助此書為多

任君殘碑陰

上闕三字四年九月十日五官掾闕十令張闕二主闕七何治闕六先桓字史景闕二十故官石官二闕十斗闕二七闕

四字四千水闕三直千二百闕三旋縛闕官闕二直

九百闕三斗闕二千闕百君殘官石斗校見

左石廟龍時主事闕十掾杜峻益珍史阿闕益闕

又下闕

右任君殘碑陰蜀人謂之武帝先生任君碑陰所謂先生似若玄儒先生婁壽之類第武帝二字必有譌者此碑可辨者不盈百字惟掾杜峻益珍姓名獨存何益二史僅有其姓前有四年九月十日五官掾字而紀年及名氏皆闕中有直千二百直九百及四千三千字又有石中木



祚及廟就字蓋是紀繕脩所費豈任君有詞於彼而邦人尊事之乎

舉吏張玄殘題名

舉吏汝南細陽張玄下關魏郡內黃下關千古吏

河內林慮字關四二千上關薛令寧陽字關四千門生

濟南鄆平字關三文關千門生濟南梁鄆虞升仲遷

二千門生東郡范夏字關二元千門生東郡東字關六

千門生東郡字關七千門生平下關安德下關千門

生關南下關門下關千門生任城下關門生下關

千上關和五百門生下關五百門生下關門生下關

右舉吏汝南張玄殘題名其可見者故吏河內

一人門生東郡三人門生濟南二人門生平原

任城各一人薛令有其官而亡其姓名惟虞升

一人郡邑名字及所出錢無一字闕者漢碑稱

舉將者有二外黃令高彪碑稱潁川太守文君

為舉將三公山碑元氏尉樊子義稱常山相馮

君為舉將其自稱舉吏者獨於此碑見之

公乘伯喬殘題名

上關廣都公乘伯喬上關曹守長郡審叔雍

右公乘伯喬殘題名所存者一列二人廣都及



郟皆蜀郡之邑而所題者乃其字蓋西州之殘碑也

雒陽稚子六字

先置雒陽稚子

右雒陽稚子六字其大小與王稚子二關相若

而波磔不越乎規矩之外亦刻于稚子關上但

殘缺不具無先後之序

平陽府君六字

平陽府君尉神

右平陽府君六字蓋漢人神道所刻者石缺不

全莫知為何人漢字存于今鮮矣譬之麒麟一

毛虬龍片甲皆可貴



碑也

先置雄陽稚子

右雄陽稚子六字其大小與王稚子二關相若

而波磔不越乎况碑之外亦刻于稚子關上但

殘缺不具無先後之序

平陽府君六字

平陽府君六字

全莫咳時回入懸于孫木令難美觀之難觀不

隸續卷第三

建平郾縣碑

巴官鐵盆銘

太尉劉寬神道二

丹陽太守郭旻碑

嚴訢碑

龍門禹廟宗季方題名

米巫祭酒張普題字

建平郾縣碑

建平五年六月郾互同像范功平史石工數徒要



末長廿五文貫二萬五千

右建平郫縣碑二十九字建平者哀帝之紀年其五年已改為元壽矣此云建平五年六月者與周公禮殿碑相類殆蜀道未知改元爾此碑却與篆體乃西京之佐書也隸法雖自秦始蓋取其簡易施之徒隸以便文書之用未有點畫俯仰之勢終西京之世學士大夫不留意此書故彝鼎所識碑碣所刻皆不復用之觀此數字可見當時之書法也郫者蜀郡之邑此碑近出於蜀中名之螻崖碑當時指其地名也碑之始

則書年月其次書掾史又有石工之文而云長二十五丈必是鑿崖治道如何君搏捷趙尉羊竇之北其末記其所費故云貫二萬五千

巴官鐵盆銘

已胤三百五十斤永平七年第廿七西實字

右巴官鐵盆銘十六字顯宗永平七年造建中

靖國初黃魯直自戎州東歸厥弟叔向攝邑巫

山有大鹽盆積水堂下以植蓮芡魯直去其泥

而識之某文鑄出鐵上故雖有發筆而勢不可

縱人或指以為篆首行惟有一字如乙而反最



後一字如西而有連筆魯直以為前刀而後酉亦謂之秦篆又以斤為戌皆誤也

漢太尉劉公諱寬字文饒

漢太尉車騎將軍持進照烈侯劉公神道

右劉公神道二刻其一曰漢太尉劉公諱寬字

文饒其一曰漢太尉車騎將軍持進照烈侯劉

公神道各有一螭蟠屈乎其上下作獸面如

彝鼎間饗饗之象當時雙闕所刻漢隸太字不

用點獨高頤及此碑有之字法與正碑相類圖

畫則微掘不及王稚子沈新豐之精也劉公葬

于洛非僻陋遐遠之域自昔訪石刻錄古事者

咸惟知上東門外有門生故吏兩碑爾俱不知更

書有此刻信乎天下之放失舊聞皆若是也

丹陽太守郭旻碑

君諱旻字巨公有周之裔下闕十君鷹天休闕三明德

矜下闕十焉不可測闕加體明道術下闕十然獨

闕少仕州郡宣著嘉名察下闕十省其傷疾闕瘁

完命已免於月下闕十六書侍御史獄刑霖頗憲臺

如石下闕十除下闕十六拜郎中治書侍御史彌絳袞下闕



十五

里作字九郡咸寧河朔凱禱徵拜下闕十朝

異焉是時淮夷蠢迪帝囿官綏爾下闕十遠齊遠

俗通聖化矜民用康移風易下闕十惟莫反初年

過年順痛疾瘼積延熹元下闕十徹言絕矣諸子

曷仰三載禮闕迺相下闕

於休我師炯炯郭君既明且喆眈此憲下闕十三字易

書勤讚理本師獄隸放紛三典執下闕十三字蛇闕機

夙夜唯寅檢蠻燥被用綏海濱下闕十二字運光暉有

翁永世不泯上闕二字即世雖立碑頌裁足載字加有瑕股君下闕十一字

是投子故五原太守鴻議即朶及胤孫范下闕一字改

前文盖用昭明祖勲德旨宣逢情闕庶傳不下闕

右漢故丹陽太守郭君之碑篆額郭君名旻太

尉禧之兄也任至丹陽太守以威宗延熹元年

卒三載禮闕諸子已刻墓道之銘矣而碑石狹

小加有瑕癥後十餘年當孝靈光和之二年其

從子五原太守鴻因葬太尉公遂與孫范其不

改舊文重立此碑今石已橫裂首行失其下十

八字末行所失十字文闕其半矣趙氏猶及見

其全者中有彌絳袞之文而失其下一字時郭



君為治書侍御史蓋謂彌縫袞職也西漢丹陽  
郡則治宛陵丹陽縣則今之建康也東漢史皆  
作丹陽隸刻如費鳳嚴詐碑亦然說者謂郡北  
有赭故云此碑以丹陽題之者通用前朝字也  
西晉移郡於建業元帝改太守為丹陽尹地理  
志云山多赤柳故名而它書載漢晉此郡字無  
從未者至唐寶年始以京口為丹陽郡改曲阿  
為丹陽縣郡縣皆非漢舊壤也西漢志汪丹  
前云楚以先雄繹所封案史記周封熊繹於楚居  
丹陽徐廣注云在南郡枝江縣秦齊破楚屈困

遂取丹陽即其地東漢志亦云枝江侯國有丹  
陽聚班史所注乃以丹陽為楚子始封誤也

鷹即鷹字  
禡即禡字  
官即官字  
股即股字  
瘕字

### 嚴詐碑

惟漢中興卯金休烈和平元年歲治東宮星屬角  
房月建米鳥中呂之灼萬物慈躬華深青慈蚊行  
蠕動咸守厥常人物同授獨遭灾霜顛實猖祖落  
壽不寬弘經設三命君獲其央季六十有九禮朦  
蚤天咯嗟痛兮嗚呼悲傷故著名詳誅曾嘆歎歎  
發噴憤授筆舒慮曠喟其辭曰



伊嘆嚴君諱訢字少通北自楚狂祖考相承招命  
道術治嚴氏春秋馮君章向衆書淵闕歷辰闕覽  
君體性慈仁常昏闕忠公清白好善博愛有文有  
武闕兼備勇為郡掾史會稽諸暨尉守烏程毗  
陵餘暨章安山陰長以疾去官後為丹陽陵陽丞  
守春穀長舉廉遜東牟真相闕四字趙作下却祝長典牧十城所  
左若神宣布政聲闕甘棠貧細隨附賢士敬名行  
林歌謠慎於所闕字鄭寔與相似恩澤真曷闕五字名臧  
文威如哮虎仙南倍闕德配公劉闕字宣為二闕風  
字闕至今不滅幸闕何億掩忽摧藏闕拾是宮闕七字送

君莫不悲哀舒氣暗闕後宮貴人上闕君闕魂闕  
靈樞闕農夫桑婦闕嘆歆闕人僮優闕目闕哀闕  
嗟君闕云斯闕適闕身甘復闕次子闕昔先子女  
斯闕有命不可追留嗚呼哀哉闕何棠所宰痼十  
城布化垂光明功名休赫盛魏難蔽障今歌於道  
字闕甘棠君不卓黃耆壽實沒歸闕定闕字定且於中嶽  
玄照洞倉弘高顯闕刺畫文牒堂列種諸奇樹窈  
何禍靈魂審有知福柩遺子闕

右嚴訢碑無額政和中出於下邳漢人銘莫皆  
一律此文先書其所終歲月及壽考有嗟惜之



辭踰百言始云伊嘆嚴君諱訢字少通遂述其  
行事與費鳳兩碑略相似銘詩亦五言列種諸  
奇樹一句又同豈此碑亦卜君所作乎訢所歷  
者諸暨尉馬程毗陵餘暨章安山陰常陵陽丞  
春穀長東牟侯相祝闕長年六十九以威宗和  
平元年卒其云歲治東宮星屬角房月建朱鳥  
中呂之均者謂庚寅四月也又云治嚴氏春秋  
馮君章句兩漢傳春秋嚴氏學無姓馮者蓋史  
之闕文也此碑東牟侯相之下長之上闕四字  
趙作下邳祝漢無祝縣蓋亦闕其一字下邳本

屬東海東海則有祝有疑此邑嘗割隸耳今之  
仕者視典縣如探湯或捷徑以避之雖驅以三  
尺不過壹再為之即止數游宦數十載八緡銅  
章多在今江浙之間雖漢人不卑小官自安其  
分亦王事易集民俗醇厚然後可以晏居其職  
也長興施元之德初既見隸釋博求闕遺轉搨  
此碑以贈我句中有脫字若侯見石本當正之  
碑以史為史以意  
為意以掩為掩

龍門禹廟宗季方題名

宗季方賈東方王伯卿王伯敬趙仲方趙仲都宗



元政賈元周賈伯常蓋闕宗闕奴桃后進桃石宗  
起王仲興王闕子桃世起王酉子王孟宣王叔祖  
王回闕尹阿祿尹宣祖趙盛闕趙呵王他柱王萬  
金王景宣挑他郡賈彊春王君博王景陽賈元輔  
宗石零郭阿胡陳止陽王仲宣馬安國左池云四  
陵仲武王通國王元方闕宗季方四十一人題名百二句有  
右龍門禹廟宗季方四十一人題名百二句有  
四字趙氏錄禹廟凡二碑皆在龍門其一有皮  
氏長劉尋丞樊章姓名而無陰其一有皮氏長  
安定蘇字而文已摩滅其陰則有汾陰趙遺數

十人姓名官爵及西鄉亭長柏昱等名最後有  
龍門復民三十五戶人名此碑二列有四十二  
人姓名疑是龍門復民而多少與趙說不合蓋  
別一碑也其間有尹阿祿郭呵胡與靈臺殺阮  
二碑陰相類又有王酉子挑他郡宗石處左池  
配云欵人俱非士君子石字也復姓有四陵一人  
主亦姓氏書所無者題名之上有文十餘行乃唐  
開元中龍門令呂延祐所作禹廟頌楚順八方  
書猶魏老子廟碑後人刻於石之空處爾使趙  
氏有此則當錄於唐碑之列也



元武長朱巫祭酒張普題字

熹平二年三月一日天衣鬼吳胡九字仙歷道成

玄施延命道區一无布於伯氣定召祭酒張普萌

生趙廣王盛黃垓揚奉等詣受微經十三卷祭

酒約施天師道法无極斤字西對故甫四刻之入

右朱巫祭酒張普題字凡七十行六十七字今

在蜀中威宗熹平二年所刻范史劉焉傳云順

帝時張陵客於蜀造作符書受其道者出米五

斗陵傳子衡衡傳子魯其米學者初名為鬼卒

後號祭酒注云熹平中妖賊大起漢中有張脩

為太平道張角為五斗米道使病人處淨室思

過祭酒以老子五千文都習為請禱之法此碑

有天師道法及祭酒鬼兵字而云受微經十二

卷蓋諸張妖黨相傳授之約觀其詞似是姓胡

者初入米巫社中故召諸祭酒受以經法頗合

史氏所載此碑字畫放縱歌斜略無典則乃郡

小所書以同時石刻雜之如瓦礫之在圭璧中

也隸釋前已不收以其亦熹平道刻遂復錄之



玄山縣碑首已不存以其亦熹平餘碑也  
主少而書以同部可校縣之收或觀之亦主堂中  
清史九所泰定乙丑寧國路儒學重刊  
香味入本坐坪中姑各龍祭所文以點去縣合  
查孟薛戴姓黨昧對難之論賭其隨以吳致財  
首天附直去入祭配吳共宅噴云文端遊十三  
盛祭配以去于五于文慎皆為前部之志地縣  
燕太平前飛自為五卡本直克既入更中室所

隸續卷第四

魏三體石經左傳遺字  
魏下豫州刺史脩老子廟詔  
魏甄皇后識坐板函  
魏大嚮記殘碑  
晉右軍將軍鄭烈碑  
魏三體石經左傳遺字  
晉出龜夏四月公公洽丁冀光去己  
已未肅及及與諸侯衛鞅師師成子好孫  
孫鼠豹豹帝晉笈嬰嬰嬰嬰嬰嬰嬰嬰嬰嬰







遂函舟楫商君尸子曰善善開身家躬討祖  
惟義弔祀和南孝兵其正百為冬十定寧義儀  
儀范外行夏卯卯六月夕月歸秋七七曹勿人爭  
光半古嘗春艸艸齊齡齡穀十白伯伯乍交幾盤  
憂喜性歸孫德歸水父子子子子于南南宋勉  
欲狄向微路氏氏自伯白煇料秋南截開開印白  
白于欲欲不髡靜敢屈替衣金兒幾級綏泮泮強弱  
賄旅我我我王王王王王王王王王王王王王王  
棄肉廩及款裁乙君艸齊齊的人王王豈後使市  
家家嚮皇倍喜子公叔射白人人入于白凡鄭鄭

日祀伯于于令令令伐于楚公坐也至白白白  
火盃有品奔會和印南宋七七七角安中干公向  
了及及真鄭鄭七七七七印印印印印印印印印印  
穉穉穉穉穉穉穉穉穉穉穉穉穉穉穉穉穉穉穉穉  
如如如如如如如如如如如如如如如如如如如如  
惟惟惟惟惟惟惟惟惟惟惟惟惟惟惟惟惟惟惟  
怙差差外非非非非非非非非非非非非非非非非  
性性性性性性性性性性性性性性性性性性性性  
命命命命命命命命命命命命命命命命命命命命  
斨斨斨斨斨斨斨斨斨斨斨斨斨斨斨斨斨斨斨斨斨斨



右魏三體石經左傳遺字古文三百七篆文二百十七隸書二百九十五有一字而三體不具者皇佑癸巳年路陽蘇望氏所刻蘇君有言曰後漢熹平四年靈帝以經籍文字穿鑿疑誤後學詔諸儒讎定五經命蔡邕書古今篆隸三體鐫石立於太學今石不存本亦罕見收者近於故相王文康家得左氏傳榻本數紙其石斷剥字多亡缺取其字者摹刻之凡八百一十九題曰石經遺字即小歐陽集古目中所有者慶曆中夏文莊公集古文四聲韻所載石經數十字

蓋有此碑所無者而碑中古文亦有韻所不收者則淪落之餘兩家所得自不同耳時經見于范史帝紀及儒林官者傳皆曰五經蔡邕張馴傳則曰六經惟儒林傳云為古文篆隸三體書法鄴氏云漢立石經之本因正是中又刻古文篆隸三字石經唐志有三字石經古篆兩種曰尚書左傳獨隋志所書異同其自有一字石經七種三字石經三種既以七經為蔡邕書矣又云魏立一字石經乃其誤也范蔚宗時三體石經與熹平所鐫並列於學官故史筆



誤書其事後人襲其譌錯或不見石刻無以考  
正趙氏雖以一字為中節所書而未嘗見三體  
者歐陽氏以三體為漢碑而未嘗見一字者近  
世方勺作泊宅編載其弟甸所跋石經亦為范  
史隋志所感指三體為漢字至公羊碑有馬日  
碑等名乃云魏世用其所正定之本因存其名  
可謂謬論夏氏所注古文既以此碑為石經又  
有蔡邕石經亦非也隸釋鑿漢魏之字法詳公  
羊之題名掾水經之實辯二史之抵牾已定一  
字遺經為漢刻矣續得蘇氏此碑蓋喜前說猶

墨守也歷古所疑於今始判會稽所鐫隸篆亦  
存三體數十字使來者有以取信焉銜即率字  
截即蠢字  
魏下豫州刺史脩老子廟詔

告豫州刺史老聃字關五孔子字關二暮字關為孔子立  
廟字關三相帝字關四政字關三而事老子欲字關十由相  
帝字關五老子字關三我字關屋朕亦以字關四行字關者字關五  
字樓屋字關二黨能嚴字關故更脩正胙温字關二秋字關  
字往禱字關二禁其宣告吏民字關二聞知如故事

黃初三年十月十五日字關子字下  
右魏下豫州刺史脩老子廟詔其文曰告豫州



刺史云云如故事黃初三年十月十五下此式  
黃與漢詔同若縣過水北有老子廟水經云廟前  
南門外有漢碑北有雙石闕甚整頓在闕南側  
魏文帝黃初三年遼譙所勒此碑凡十三行行  
入字其磨滅者泰半其前有魯為孔子立廟字  
蓋援先聖為比也其間稱漢帝者再蓋東京惟  
威宗尊祠老子帝紀載延熹八年兩遣中常侍  
至苦祠老子祭祀志云延熹九年帝親祠老子  
於濯龍文屬為壇飾淳金銘器設華蓋之坐用  
郊天樂故魏詔再三言之蓋是詔豫部脩祠之

事當時刻之于闕也碑後歲月日之下闕子上  
一字接四分歷是年十月壬戌朔則十五為丙  
子日碑之下方有唐開元及天寶間題字數十  
行乃真源縣令邵昕記祠醮投龍等事真源屬  
亳州今日衛真即漢之苦縣也

魏甄皇后識坐板函

文昭皇后識坐板函

右文昭皇后識坐板函八字紹聖丙子年鄴民  
耕地得一綠石匣廣八寸有半長倍之厚三之  
一鹿項笏頭蓋其上有此八字魏文帝甄皇后



神坐前之物也故嘉興守林衡之父時為相之  
臨漳令摸得之其字乃魏隸之工者傳於世既  
鮮故士大夫罕見魏史黃初中葬甄夫人于鄴  
文明帝以母氏之故追上尊謚別立寢廟此乃明  
帝時所刻者

魏大嚮記殘碑

唐君元龍西人

太守先

字闕三

大嚮

闕記

陳留謝

渡舊樂

孫有而

仰廬一何過

闕可問

章興

足天

趙宋

岷東

畢方承高

范會

東中山

時亦重晉

唐景寬安定

反歷陶

陽

剔前僧

山中喜其夫堂厨

衆將望日

刑庶時卒

為氣

維黃初三年

月

字闕三

繇文為書

千秋萬代

主重居外天地始

至里

文王大

嚮之

皇高

徒集有

之魁萬民

一掾東

西南

術

復歌歎鹿

建起尚盤古羅天

為

感續

於其

樵室去殆冠獲

不

我是

憤

漢則瑞

為至府

右大嚮記三古文為額其第三字不能識以其  
辭中有記字故名之此碑二百餘字損者四之



一所有存之文絕不可曉獨有黃初三年字其書  
法頗與魏受禪碑相近文帝大嚮六軍立碑于  
譙是在是年之前兩載此書饗作嚮或是假借文  
禪碑蓋鍾繇所書此碑黃初年月之下有一字  
西其左从彡而闕其右疑是繇字或云碑在長安  
齋瑤臺寺謂之鍾繇殘碑姑傳疑以俟知者隴即  
晉右軍將軍鄭烈碑  
君諱烈字休林熒陽開封人也其先出自宗周建  
國于鄭因眚命氏君其後也遠祖臣亢節著德揚  
光漢氏之初近葉臣儒術博古顯名中興之後還

至曾祖先生皇祖徵君蹈明哲之高尚嘉肥遂而  
不悶顯考將佐大匠實有茂德載在國策君應中  
和之醇靈摠文武之弘畧清識妙於研機聰啟瞻  
於獨踐物逸軌之遠迹秉確然之大節故雖夙羅  
不造而能全老成之德居無檐石而能厲冰霜之  
潔是臣英杆邈於郡萃至行侔於在昔初上計掾  
辟司隸車騎將軍府轉叅寧朔將軍軍事除魏令  
其為政也仁臣施化則靈恩衍於春陽壯以發令  
則神威肅於秋霜末俗變而歸本偽萌反於忠良  
言澤洽於邦都芳風勃而南翔文皇帝為相國親



覽萬機訓咨俾又君臣盛德宜登王佐遂典喉舌  
賦政于外百揆時序庶事無廢皇猷顯蝟光被遐  
裔五等初建封平莞男

聖上踐祚拜騎都尉賜子一人爵關中侯遷馮翊  
大字于時儉允孔熾西土不靜鄙方有戎馬之塵  
邊色覩焦烽之警君震臣神武來臣仁惠威懷允  
著寬猛相濟遷北軍中侯典司禁戎董導郡帥明  
鑒審於官杵清風激於在位義正刑于聲色衆望  
儼而衽畏故六軍之正咸當而請謁之言莫至遷  
兗州刺史加輕車將軍流化河濟馳風區外翰音

振於天末遺嚮暢於吳惠假邇爾齊萬里是賴寢  
疾徐留乞還京輦徵拜議郎亨年六十大康二年  
秋八月丁巳薨悠悠縉紳莫不傷心愠天遺之無  
誠哀邦家之喪鎮

天子乃命使者奉策追贈右軍將軍印綬謚曰僖  
侯於是故吏殿中監申揚等相與永思盛德言時  
計功昔龔父綏丞夷之鼎魯人著泮宮之頌乃代  
石建碑刊表茂庸碑清風舊于百世遺光流考無  
窮其辭曰峨峨高嶽中夏之鎮於鏢僖侯舍德之  
純英齊宣朗窮理入神龍蟠道淵振躍景雲北臨



魏邦百族時雖登讚聖王五典克從西守舊京威  
風折衝還司六軍肅清大互出牧萬里玄化潛通  
委辭名位帝嘉厥庸追贈寵服巨顯高縱勒名金  
石日月是同大康四年七月十日辛未造  
右晉故右軍將軍平亮僖侯鄭府君之碑隸額  
鄭君名烈熒陽人仕于晉初至兗州刺史輕  
車將軍拜議郎以大康二年八月卒故吏申揚  
等立此碑四斗之七月也鄭君所封其上「平  
字則曉然可識下一字額已損而銘辭亦微缺  
僅若亮字趙氏以為東亮則誤也晉縣亦無平

亮非鄉名即亭名也予嘗以魏末至晉宋隸字  
無可取者晚獲此碑其勁健方格顧後絕配若  
雜置漢刻中未易甄別孰謂秦無人焉士君子  
被褐懷寶枯槁巖壑之下嚮不徹於一舉名不  
揚於後世與此碑等者多矣可勝歎哉稽山石  
邦哲熙明聚碑頗富今亡矣假之其子祖禮諸  
石有固問莊問兄弟亦出其所藏故能成書于  
越未得毗陵尤袤氏張駒氏數種旁搜遠取因  
以補前書之闕尤張皆第進士博雅之秀也

嚮為響以  
縱為蹤



